

HENRICI GLA

REANI HELVETII, POE-
TAE LAUREATI DE GEOGRAPHIA
*Liber unus, ab ipso authore iam no-
uissimè recognitus.*



PARISIIS

Apud Ioannem Lodoicum Tiletanum,
ex aduerso Collegij Remensis.

1542.

G
C
OUVR
V

Clarissimo Poloniæ

BARONI, D. IOANNI A
LASKO, DECANO ET ADMI-
nistratori Gnezeni. &c. HENRI-
CVS GLAREANVS
S. D.

INTER DISCIPLINAS
liberales, que citra controuersiam
plurimum adferunt utilitatis uitæ
mortalium, ornatiſime uir, mea
quidem ſententia præcipius locus
debetur Geographiæ, non tantum
ob id, quod absque hac cæca est o-
mnis ueterum authorum lectio, ſur-
da rerum geſtarum narratio, uerum
etiam quod in publicis consultatio-
nibus, inq; dirimendis controuersijs, quoties de ditionis finibus ambigunt
principes, uel fideli consilio, uel &quo iudicio iuuat ciuitatem. Ni-
bilo ſecius interim & in priuatis actionibus plurimum adferens &
commoditatis, & uoluptatis. Eoque priscis illis cæteræ discipline di-
ſciſolent, hæc etiam edisci: idque protinus à teneris, ut aiunt, unguicu-
lis. Hoc igitur opera ſuscepī, partim quod hiderem fatali quadam ca-
lamitate, pessum ire quicquid est liberalium disciplinarum: partim quod
hæc ars ſic eſt à ſuperioribus prodiſta, ut uel difficultate uulgaris deter-
reant, uel rerum confuſione, lectorē, non iuſtitutum huius discipline
principijs ita circumagant, ut ſemper diſcat, perdiſcat nunquam: ne
quid interim loquar de ijs, qui tradiderunt, quod ipſi non intellexe-

EPISTOLA DEDICATORIA.

2

runt. Nam ut Ptolemæi Geographia, summum huius negotij artificium, non conuenit rudibus, ita multum erroris est in elenchis adiectionis. Strabo Homericæ Philosophiae admirator, ac diligens rerum omnium indagator, Chorographiam nobis uerius quam Geographiam tradidit. Ipsius Procli Sphæra nimis concisa est, & ad horizonta Græciae non absque magna duorum circulorum confusione descripta.

Ioannis autem à sacro busto (ut uocant) tractatus, in uniuersum quidem d me non reiicitur: quæ tamen de parallelis, ac climatibus scriptis, plane mutila sunt, ut in opere nostro demonstrabimus. Stephanus indicem descripsit, cui fidere multum non ausim. Et nominum mutilatio apud eum multam inducit obscuritatem. Denique ex Plinio, Pomponioque Mela, quid fructus feret, qui non imbutus huius disciplinæ rudimentis accesserit? De Macrobio, ceterisque similibus, non habeo pronunciare quid sentiam: cum multi eorum, ut penè ueteres omnes, in terræ situ aberrarint. Quoniam autem iuxta Flaccum, cœpisse dimidium facti est, quo plures ad huius disciplinæ studium accenderemus, uiam aperiuius, ac semitam compendiariam commonstrauimus, quasique filum porreximus, quo citra errorem ex aliorum labyrinthis sese lector posset explicare. Et si pateris, ut aliquid gloriiosius de me ipso prædicem, quanquam arbitror hoc me uere posse dicere, sic in hoc libello me gessti, ut candidus lector confessurus sit, me nec temere, nec sine fructu lectorum, hanc post tot egregios scriptores suscepisse prouinciam. Ceterum ut hoc quicquid est lucubratiuncula tuo nomini dicarem IOANNES Laskanae gentis, imò totius regni Poloniae præcipuum decus, partim in causa fuit, bortator magnus ille ERASMVS Roterdamus: quem ego uirum cum ipsius maxime merito, ut parentem coluerim semper, plurimique fecerim, tamen longe charior esse coepit, posteaquam animaduerti quanti tu illum faceres: partim ut tuum desiderium saltem hoc pacto lenirem: partim ut huic opusculo te uel iudicē præberes, uel protectorē: Postremo, ut iuuetus tuo ex ēplo prouocata, libētius hasce disciplinas amplecteretur

A ij

EPISTOLA DEDICATORIA.

quas omnes tu ista etate, ista nobilitate, tanto studio, & amplexus es,
& absoluisti. Nimirum non incassum prelucxit tibi Reuerend. in Christo Pater D. Ioannes à Lasko, patruus tuus, Archiepiscopus totius regni Polonie, ac ipsius uictoriosissimi, illustrissimique S I G I S-
M V N D I Regis oculus. Cuius Præsulis animi dotes cum re-
censere audimus, cum uitam eius innocentem, ac uerè Christianam,
non multum desiderare uidemur ueterum Episcoporum exemplum,
nascentisque Ecclesiæ lumina. Sed laudum iamdudum sat est. Glarea-
num nosti, quām ingenue dicat quæ animo sentit, minimeque aliud
in pectore, aliud in lingua habeat. Vale literarum unicum

decus ac præsidium. Basileæ ex Collegio no-
stro. Anno à natali Christi,

M. D. XXIX.

HENRICI GLA

REANI HELVETII, POETAE

LAVREATI DE GEOGRA

phia Liber.

DE GEOMETRIAE PRINCIPIIS AD

SPHAERAE ASTRONOMICAE NOTI-

tiam necessarijs, Cap. I.

IGVR A est quæ termino, uel terminis clauditur.

Termino, ut Circulus: terminis, ut reliquæ figuræ.

Terminus est cuiusque rei finis.

Figura plana est, cuius medium neque subsuntat, neque ab extremis egreditur.


Circulus est figura plana, una quidem circundata linea contenta, in cuius medio punctus est, à quo omnes rectæ lineæ, ad circundatam lineam eiecitæ, sibi inuicem sunt æquales.

Circunferentia est linea, quæ circulum continet, ad quam lineæ rectæ, ac sibi inuicem æquales educuntur. Hæc autem & ambitus, & circuitus, curvaturaque ex nonnunquam, licet & nvgdS, circulus à Latinis dicitur, Grecis uero περιφέρεια.

Centrum circuli, est punctus ille, à quo omnes lineæ rectæ, ad ambitum circuli eiecitæ, inuicem sunt æquales.

Linea recta est, quæ ex equo sua puncta interiacet: uel breuiſſima à punto ad punctum extensio, ut hic, a.

Lineæ Parallelæ æque distantes sunt, ita, ut si in infinitum protrahātur nunquam concurrāt. Quales sunt quæ sunt à rotis curruū, ut hic, b




A ij

HEN. GLAREANI

Diametruſ circuli, eſt queuis linea reſta per centrum circuli tranſiens, utrinque ad circumferentiam circuli pertingens. Hęc linea latia ne dimetiens dicitur.

Dimidiuſ circulus eſt figura plana, diametro circuli, & medietate peripheriae contenta.



cili pars, qui ex quadrans dicitur.

Angulus fit ex duarum linearum mutuo contactu. Eſt enim figura particula, à linea contactu in amplitudinem surgens.

Angulus rectus eſt, qui ex linea ſuper lineam cadente, & utrinque altrinsecus duos inuicem æquales angulos faciente, cauſatur.

Obtusus angulus eſt, qui recto maior.

Acutus, qui recto minor.

Angulus rectilineus eſt, qui ex rectis lineis cauſatur: aut quem linea recta continent.


Exemplum ha-
um definitio-
num, a b d c e,
tota superficies
circulus eſt. a b
d c circumfe-
ria, b c, uel ad
diametruſ. e,
punctus centruſ
circuli eſt. a b c
dimidiuſ circu-
lus. e b, e a, e c,
e d, linea e a cen-
tro duſt. e inui-
cem æquales.
ab e, quarta cir-

GEOGRAPHIA.

4

Exemplum,


adb , & ad
c anguli re-
cti. bde , an-
gulus obtu-
sus & recto
maior. edc
angulus acu-
tus & recto
minor.



Angulus curuus, siue circularis est, quem linea curuæ, siue circu-
lares causant, ut in sectione circulorum fieri uidemus.

Angulus sphæralis est, quem duo circuli sphærae suis circumferen-
tiajs continent, quales in quois globo fiunt ex intersectione circulorum.

Aristoteles sexto Physicorum ostendit neque lineam fieri posse ex-
punctis, neque superficiem ex lineis, neque corpus ex superficiebus. Ma-
themati ci tamen imaginantur ex fluxu puncti in longum, fieri lineam.
Item ex fluxu linea in latum, superficiem. Denique ex transitu superfi-
ciei, cum uelut desidere ipsam imaginamur, fieri corpus. Sunt enim tres
dimensiones in Mathematicis, Longitudo, ut in linea: Latitudo, ut in su-
perficie: Profunditas siue crassities, ut in corporibus.



DE PRECIPVIS PARTIBVS TOTIVS


MUNDI.

CAPVT

II.

Sciendum primū, uniuersum mundū rotundū esse, ac omnes prin-
cipales eius partes, quarū sunt secundū uulgatā diuisionē, quinde-
cim, ubi superius corpus perpetuo circūdat inferius omni ex parte
penè sicut tunicæ superiores in capis circūdant inferiores. Est aut
infimū terra, quæ grauitate sua pressa, ad cētrum immota recubit. Dein
de aliis hoc ordine ascendēdo, Aqua, Aēr, Ignis, Sphæra lune, Mercurij
Veneris, Solis, Martis, Iouis, Saturni, Cœlum stellatum, quæ & octaua

HEN. GLAREANI



GEOGRAPHIA.

5

sphæra dicitur, ἡ κόσμος ἢ Græcis. In ea sunt omnes stellæ, exceptis septem planetis. Nona sphæra quæ stellis omnibus caret. Decima quæ est primum mobile, et ipsa absque stellis est. Undecima, quod cœlum Empyreum à Theologis nominatur. Totus itaque mundus ex qualibet elementis est parte corruptibili, et undecim cœlis parte incorrupti. Est autem hæc diuisio secundum substantiam.

DE MOTIBVS CORPORVM TOTIVS uniuersi. Cap. III.

Onde corpus mouetur uel sursum, ut leuia, ignis atque aer: uel deorsum, ut grauia, terra et aqua: uel secundum circulum, ut celestia corpora. Motus sursum uocatur motus à medio id est, centro terræ. Motus deorsum, ad medium: quia ad centrum terræ. Motus circularis autem dicitur motus circa medium, id est, centrum. Motus igitur sursum et deorsum non in infinitum sunt, sed usque ad sphæram lunæ, ac centrum terræ. Ergo antipodes non minus quam nos, ad centrum terræ natura tendunt. Recte quoque à Poëta dictum est, Cœlum undique sursum.

Decima sphæra, quæ est primum mobile, unico mouetur motu, ab oriente in occidentem, super polos mundi, et æquinoctiale. Hic motus omnium notissimus est, circulumq; totum absoluit intra 24 horas. Hic etiam omnia corpora inferiora secum rapit. Quanto igitur corpora ab ea sphæra plus distant, tanto tardius mouentur eo motu: quod potissimum apparet in luna. Hæc enim intra 28 fermè dies totam circumferentem perdit, quod motum eius sphære affequi non potest. Porro hic motus simplex est, et uniformis, et regularis.

Sequitur nona sphæra, quæ duos habet motus. Vnum superioris sphærae, de quo iam dictum est. Alterum ex se, et ex sua natura, ab occasu ad ortum super eclipticam lineam, et polos zodiaci. Multi illum uocant, motum defensionis, propterea quod omnes inferiores sphærae

B

HEN. GLAREANI

deficiunt à perfectione primi mobilis.

Octaua sphæra tribus mouetur motibus, decimæ sphære, nonæ sphære, & suo proprio motu, qui est à Septentrione in Meridiem, superē principia Arietis & Libræ. Et uocatur motus trepidationis. Hanc sphæram omnis antiquitas credidit primam esse, nec aliam super eam. Verum neoterici, duas alias inuenierunt, persuasi rationibus quibusdam, quas non piguit adscribere, ut si quid utilitatis ex ijs haberiposset, non desint studiosis. Itaque notandum, quod omne corpus, uel est simplex, ut quatuor elementa & cœlum: uel mixtum, ut alia omnia. Item per se mouetur, quod ab interna natura habet, cur sic moueat, ut lapis deorsum: per accidens uero, quod ab externo aliquo mouetur, ut lapis sursum per iacentis uim mouetur.

Sunt autem hypotheses, siue à Physicis postulatae.

Cuiusuis corporis simplicis unicus est motus per se. Item, Omne corpus, quod pluribus mouetur motibus, unum per se habet, alios per accidentem. Item superior sphæra mouet inferiorem, non autem contra.

Item, stellæ mouentur ad motum sphære, quemadmodum clavis ad motum rotæ. Est enim stella densior sui orbis pars, ait Aristoteles libro secundo de cœlo & mundo. Experimento autem constat, octauam sphæram tribus moueri motibus. Necesse igitur est duo supra eam esse corpora. Et quanuis ea uisui subiecta non sint, rationibus tamen efficacibus illic esse demonstrantur. Sunt autem hi tres motus: primus, decimæ sphære, secundus nonæ, tertius ipsius octauæ, ab septentrione in meridiem, super principia Arietis & Libræ, ut iam dictum est. At hæc pluribus, quam oportuit egimus, potissimum tamen hac de causa, quod postea in circulorum descriptionibus, motus primi mobilis frequens introducitur. Cuius uero sphæra sit, certo definire, nostrum negocium ut nō multum iuuat, ita haud magnopere impedit etiam si ignoretur. Idem sentio de longa ac operosa tractatione Planetarum, ac eoru motu, quippe que ad hanc nostram scientiam nō exigantur. Geographus enim ab

GEOGRAPHIA.

6


Astrologo excussa, ac recte demonstrata, tanquam hypotheses accipit.
Qua de re oppido quam pulchre ac copiose Strabo lib. 2. differuit. Sat erit nobis, qui epitomen scribimus, de sphaerae rudimentis iuuentutem admonuisse, ac qua poterimus facilitate duxisse. Debent itaque eius rei nouitij auditores, perpetuo in memoria habere quatuor mundi plagas, orientem occidentemque solem, Meridiem & Septentrionem, ut quorum sum quaevis regio uergat, intelligent.

QVID SPHAERA, AXIS, POLI, QVAE polorum nomina. Cap. IIII.

Sphaera est (ut ait Euclides libro 11. Elementorum) quando semicirculi manente dimetiente, circunductus semicirculus in seipsum rursus reuoluitur, unde incepit circumassumpta figura. Hæc definitio causalis est & imaginaria, ut pleraque sunt Mathematicorum. Imaginantur enim Mathematici ex infinitis superficiebus fieri corpus.

b

Exemplum. Sit semicirculus a b c.
eius dimetiens immobilis, a c. quod si circumagatur semicirculus ille, sphaeram fieri intelligimus:



Theodosius autem in libro de sphaeris ita ait, Sphaera est solida & corporea figura, una quidem conuexa superficie contenta, in cuius medio punctus est, à quo omnes rectæ lineæ ad circumferentiam eductæ, in uicem sunt æquales. Et hæc definitio propria est, naturam sphaerae ad amissim exprimens.

Axis sphaerae, est linea recta, per centrum sphaerae acta, circumferen-

B ij

HEN. GLAREANI

tie am bas extremitates attingens, circa quam sphæra uoluitur, quen= admo dum rota circa axem.

Poli, qui & cardines & uertices dicuntur, sunt puncta axem ter= minatia. Omnis enim linea duobus finitur punctis. Poli itaque duo sunt. Alter qui nobis in Europa, & maiore parte Asiae habitantibus, perpe= tuo apparet. Hic & Arcticus dicitur, & Borealis, & Aquilonius, ac Septentrionalis. Alter oppositus huic, qui Antarcticus dicitur, & No= ticus, siue meridionalis. Is à nobis nunquam uidetur, sed ab antipodi= bus, quos esse certo constat.

QVO PACTO SPHAERA DIVIDATVR, quid recta, quid obliqua sphæra. Cap. v.


Si, ut supra diximus, sphæra in æthera, & elementorum corpora diuidi intelligitur, erit secundum substantiam diuisio. Quemadmo= dum si animal in hominem, equum, leonem, reliquasque eius spe= cies diuidas. Altera uero eius diuisio est secundum accidens, in re= ctam & obliquam. Sphæra recta est, quando uterque polus in horizo= te conspicitur, & æquator supra caput apparet. Sphæra obliqua est, dum alter polarum uisui patet, alter occultatur, ut nobis in Europa deg= tibus. Vbi considerandum, quod ubique homo sit, medium cœli illi semper apparere, cæteris paribus. Dum ergo homo sub æquatore est, utrumque polum conspicit in horizonte. Sin ab æquatore cedet, alter polus abscondatur, alter eleuetur necesse est. Et quantum ab æquatore disceditur, tantum erit polarum variatio. Hinc est dictum apud Geogra= phos, tantam esse poli ab horizonte elevationem, quantum punctus uer= tices (quem zenith uocant) ab æquatore semotus fuerit. Exemplū sphæræ rectæ. ab c, media sphæra & recta. b d, æquatoris dimidi= tas. g c, poli in horizonte. ad c, axis sphæræ, siue rectus horizon.

Exemplum sphæræ obliquæ. a b c d, media sphæra & obliqua. b e, dimidium æquatoris. c, polus. c e, dimidiatus axis. a e d, ho= rizon obliquus, ut est in nostra sphæra.


GEOGRAPHIA.

7

Sphæræ rectæ exemplum.



Exemplum Sphæræ obliquæ.



DE DECEM CIRCVLIS QVOS IN COELO
Astrologi imaginantur. Cap. VI.

Circuli in sphæra sunt duplices: Alij sunt maiores, qui sphæram in duo æqua diuidunt: Alij sunt minores, qui non in duo æqua, sed in maius et minus sphæram secernunt. Circulorum maiorum sunt sex, Aequator, Zodiacus, Colurus æquinoctiorum, Colurus solsti-

B iiij

HEN. GLAREANI

tiorum, Meridianus, & Horizon. Minorum circulorum sunt quatuor, Arcticus, Antarcticus, Tropicus Cancri, & Tropicus Capricorni. Sunt ergo decem in uniuersum.

Aequator est circulus maior, omniquaque suis partibus aequaliter a polis distans. Sic dictus, quoniam cum sol in eo est, nox diei omnino aequalatur, & contra dies nocti. Alio nomine Aequinoctialis & Aequatorialis dicitur. Contingit autem aequinoctium bis in anno, semel mense Martio, in principio Arietis. Iterum mense septembri, initio Librae. Est autem tum aequinoctium per uniuersum orbem. Intelligitur autem circulus hic cœlum medium ambire sua circumferentia. Atque ob eam causam primæ sphære cingulus dicitur.

Zodiacus est circulus maior, a equatore in duobus punctis, quae sunt principia Arietis & Librae, dirimens, cuius una medietatum ad Septentrionem, altera uero ad Austrum uerget. Latini eum signiferum vocant. In media autem Zodiaci superficie (solus enim hic circulus latitudinem habet duodecim partium, qualium maximus circulus, trecenatarū sexaginta) linea est, ipsum in duo aequalia partiens, & ulro citroque sex latitudinis gradus relinquens. Hæc Ecliptica dicitur: eò quod Solis Luna ue eclipsis nunquam contingat, nisi sub ea ambo corpora constant. Fieri autem non potest, ut Zodiacus eosdem habeat polos cum Aequatore, ergo eius poli a polis mundi distant gradibus. 23. et minus. 51. hoc est ferè. 24. Sed obiter hic notandæ sunt quinque hypotheses ad intelligendas Eclipses, Solis ac Lunæ.

PRIMA.

Solem semper sub Ecliptica esse linea, non etiam cæteros planetas.

SECUNDA.

Lunam non habere per se lumen, sed a Sole accipere.

TERTIA.

Terram esse longe maiorem Luna.

QUARTA.

Non fieri Eclipsem nisi secundum diametrum.

GEOGRAPHIA.


8

QVINTA.

Luna corpus densum esse, & minime translucidum.
Est igitur Eclipsis solis, quando Luna inter terram solēmque secundum diametrum locatur. Lunæ uero Eclipsis est, quando terra inter Solem Lunāmque secundum diametrum ponitur.

a b c d, Linea ecliptica. e, terra. b d, diametruſ, per centra trium corporum means. d, Sol. b, Luna. umbra, e b.

Eclipsis Lunæ.




Eclipsis Lunæ potest esse uniuersalis, Solis uero minime.

HEN. GLAREANI

Eclipsis Solis.

f g h i, Solis sphaera sub ecliptica: m luna, l terra, umbra m l



Hac hactenus de Eclipsibus.

Cæterum Zodiacus in duodecim signa diuiditur: quorum sex sunt arctica, siue septentrionalia: Sex item antarctica, siue australia. Arcticas sunt haec, Aries, Taurus, Gemini, Cancer, Leo, Virgo. Australias haec, Libra, Scorpius, Sagittarius, Capricornus, Aquarius, Pisces.

Coluri in sphaera, duo sunt circuli maiores, qui ad angulos rectos et sphaerales se intersecant, diuiduntque quadrantes zodiaci et æquatoris. Sic dicti, quod Græci ολοῦνται mutila vocat et imperfecta, quemadmodum sunt coluri in caelo. Apparent enim dimidiati supra horizontem.

Colurus solstitionum, est circulus maior per principia Cancri, et

GEOGRAPHIA.

9


Capricorni, per polos Ecliptice, pariter & polos mundi transiens.
Hic & declinationum circulus dicitur.

Colurus æquinoctiorum itidem circulus maior est, per principia Arietis & Librae, pariter ac polos mundi transiens.

Meridianus est circulus maior, per punctum uerticis & polos mundi transiens. Est autem punctus uerticis, qui rectè supra rem ipsam ponitur, uelut in perpendiculari uidemus. Hic etiam zenith uulgo dicitur, ac oppositus ei punctus Nadir. Nos non incommode (opinor) punctum pedum appellare possumus.

Linea meridiana autem sic inuenitur. In planum cum horizonte æque iacentem circulum pingue, stylumq; è medio ad perpendicularum erige, qui umbram in circuli planiciem iaciat. Porro tum consideranda est ascendentis solis & occidentis umbra à stilo facta. Nam ubi ea breuissima fuerit, scias meridianum deducendum esse à stilo in extremum breuissimæ umbræ. Exemplum: Sit c oriens, b occidens.

e SEPTENTRIO. g



MERIDIES.
a stylus erectus, umbra ab oriente in occidente iacta maxima, a b breuior a d, & adhuc breuior a e, breuissima autem a f in septentrionem ia-

c

HEN. GLAREANI

cto. Nam sequentes umbre in ortum a g, ab, & ac, ita crescunt ordine, ut priores decreuerunt. Est igitur a f linea meridiana.

In horologijs nostræ etatis, lingula illa tremula, quæ circunuoluitur, lineam meridianam ostendit, quanquam non prorsus ad amissim. Neque enim eodem meridiano nobiscum inuenitur lapis ille, sed aliquando magis orientali. Ac eius auriculae Septentrionem, tinctæ magnete, qui in ijs regiomibus reperitur, ostendunt.

Horizon, quem finitorem quoque dicunt, est circulus maior, superius hemisphærium ab inferiore diuidens. Estq; is, in quem sub diò consistentium, circumducentiumq; oculos, uidetur obtutus deficere, qui & partem coeli uisam, & non uisa dirimit. Diuersarum autem regionum uarius est horizon, & omnium horizontium capititis uertex, polus dicitur. Nam tale punctum omniquaque ab finitore, atq; ipso horizonte æque distat. Hactenus de circulis maioribus.

Arcticus, circulus minor est, quem polus Zodiaci ad motum primi mobilis, circa polum mundi arcticum describit.

Antarcticus, est circulus minor, quem alter polus Zodiaci, circa polum mundi antarcticum, ad motum primi mobilis efficit. Per Polum Zodiaci intelligimus punctum ab ecliptica (de qua ante diximus) omni parte æque distantem. Est itaque alter ad Arcticum, alter ad Austrum. Distant autem à polis mundi. 2 4. gradibus ferme.

Tropicus Cancri, est circulus minor, quem Sol, dum longissime ab æquatore in Borean deflexit, ad motum primi mobilis describit. Hoc autem fit, dum Sol principium Cancri intrat. Dicitur etiam tunc Solstium, quod Sol non ultra ad nos procedat.

Tropicus Capricorni, est circulus minor, quem Sol, dum longissime ab Aequatore in austrum deflexit, ad motum primi mobilis efficit. Fit autem hoc, cum Sol principium Capricorni attingit. Cæterum id tempus Brumam uocant Latini scriptores.

Declinatio Solis est, dum ab Aequatore ad Tropicos Sol discedit. Arcus uero Coluri, interceptus à Tropico & Aequatore, distantiam

GEOGRAPHIA.

10

eius habet, quæ est. 24. graduum fermè. Tantum enim etiam Tropici ab æquatore distant, & poli Zodiaci à polis mundi, ut iam dictum est.

Ascensio declinationi contrario modo intelligitur, dum Sol à Tropicis Aequatori appropinquit, quanquam sensibile iudicium dicit Solē ascendere, dum ad Tropicum Cancri descendit: descendere uero, dicit à Cancro ad Aequatorem cedit, cum potius tamen ascendat.

DE COMPOSITIONE MATERIALIS

SPHAERÆ, ATQVE INIBI DE

Circulorum Theoria, Cap. VII.

Sphaeram materialē si quis componere uelit, hoc modo agat. Primum Coluros extruat, qui ad angulos rectos sphæralēsque se intersecent. His, si ita uidebitur, axem aptet. Dein æquatorem cum ambo bus Tropicis, sed Aequatorem in medio, Tropicos ab Aequatore distantes. 23. gradibus, & 51. minutis, hoc est quod nunc toties diximus 24. gradibus fermè. Sed notandum, primum circulis per quadrantes diuisis, ipsorum quidem quadrantum esse nonagenos gradus. Quare secundum eam theoriam, oportet reliqua spatha diuidere in circulis. Exempli gratia. Quadrans ita diuiditur, Primo in tres æquas partes: & hæ deinde rursus in ternas alias: Denique hæ singulae in denas. Atque ita in quoquis quadrante. 90. gradus emergunt. His ita habitis, facile est reliqua uel demere, uel addere. Nam unica hac distantia seruata. 24. fermè graduum, spacia in sphæra facile noscuntur. Tot enim gradibus distant Tropici ab Aequatore, atq; Arctici à suis polis: & Zodiacus ab altero Tropico ad alterum ita ponitur, ut ecliptica ambos contingat, scindat autem Aequatorem super Coluro Aequinoctiorum, appropinquet uero polis super Coluro solstitiorū. Postremo Meridianus & Horizon aptent secundum ipsorum descriptionem, & parata est sphæra, quantum Geographico negocio usui est.

Integrum est res tota, aut rei pars, quæ sexagenaria diuisione non

c ii

HEN. GLAREANI

prouenit. Minutum est sexagesima pars integri. Secundum est sexagesima pars Minuti. Tertium, sexagesima pars Secundi: atque ita deinceps secundum multitudinem unitate crescentem. Exemplum in circulis, Zodiacus diuiditur in 4 æquas portiones, quos quadrantes vocamus. Quadrans in tria signa, Signum in. 30. gradus, Gradus in 60 minuta, Minutum in 60 secunda, secundum in 60. tercia, &c.

Exemplum in tempore. Dies naturalis in. 24. horas diuiditur. Hora in. 60. minuta, Minutum in. 60. secunda, Secundum in. 60. tercia, & sic deinceps. Colligitur ergo quæ minuta præcedunt, esse integræ: quæ uero sequuntur, esse partes integri.


Q VID PER ELEVATIONEM POLI INTEL= LIGATVR. CAPVT VIII.

Porrò firmis rationibus demonstratum est ab Astrologis, ubiunque locorum homo fuerit, medium cœli illi semper apparere. Hoc autem animaduertendum, in singulis regionibus singulos esse horizontes. Denique illud etiam opera precium est notare, si homo sub æquatore fuerit, illi apparere utrumq; polum in horizonte: Sin ab æquatore cesserit polos uersus, alterum polorum eleuari, alterū deprimi inuisibilemq; reddi. Atq; ut res clarior sit, exemplo hoc demonstrandum est. Cede ab æquatore septentrionem uersus uno gradu, polus Arcticus uno gradu levabitur, Antarcticus deprimetur, uerticis punctus, pendulumq; itidem uno gradu cedent. Item si ab æquatore ad Tropicū usq; Cancri iueris, levatus est polus Arcticus. 24. gradibus fermè, totidem Antarcticus depresso gradibus, tot etiā cessit punctus oppositus uerticali punto, ac sic deinceps, donec sub ipsum polum concesseris. Quantuor itaq; hæc puncta, magnam huic negotio lucem adferūt, quare diligenter consideranda sunt. Colligitur ex his, idem esse si dicas, polus noster. 50. gradibus levatur nobis: Siue, polus noster ab horizonte. 50. gradibus distat: Siue, zenith nostrum ab æquatore. 50. gradibus abest.

GEOGRAPHIA.

II

Est autem hæc hius rei demonstratio.



Sit Colurus nostro Meridiano iunctus, ab f. horizon a e, zenith eius c. æquatorib f. Polus mundi arcticus, d. erit c e, quarta circuli pars, & b d similiter. Probatio, quia sunt quadrantes à polis ad suos circulos. Sunt autem quadrantes circulorum maiorum omnes æquales. Porro c d, communis arcus est duorum quadrantum c e, & d b. Ipso igitur dempto, reliqua erunt æqualia, uidelicet b c, distantia zenith ab æquatore, & d e eleuatio poli supra horizonta. Probatio. Si ab æqualibus æqualia demas, remanentia erunt æqualia.

DE QVINQVE ZONIS.

Cap. I X.

Z. Ona est spacium de superficie cœli, ac eadem quidem proportione terræ, inter duos circulos minores comprehensum. Sunt


C iii

HEN. GLAREANI

autem circuli diuidentes zonas quatuor, duo Tropici, Arcticus & Antarcticus. Porro Aequinoctialis non diuidit zonas, sed unam zonam medianam secat, uidelicet Torridam. Neque uero per zonas circuli intellegendi sunt iam dicti quatuor: cum zone uox superficieis sphære imposita sit. Nec ulli circuli in cœlo latitudinem habere intelligentur, uno excepto zodiaco. Nec obstat, quod circulus etiam superficies est. Latitudo enim eius nō cingere sphæram, sed diuidere intelligitur, quanquam circuli peripheria etiam suo modo cingit sphæram. Hic illud notandum, quemadmodum in cœlo æquator est, ita etiam in terra, & eodem modo de alijs circulis minoribus. Est enim terra, quæ subiecta est æquinoctiali. Est item quæ subiecta est Tropicis, deniq; quæ subiecta est extremitatis circulis. Atque ita etiam de zonis intelligendum. Nam ut in cœlo quinque sunt zones, ita sua proportione, quinque in terra. Id nemo exquisitus, nemo paucioribus uerbis, nemo tam docte descripsit atque Ouidius lib. primo τῶν μεταμορφώσεων.

Vtq; duo dextra cœlum, totidemque sinistra
Parte secant zone, quinta est ardentior illis:
Sic onus inclusum numero distinxit eodem
Cura dei, totidemque plaga tellure premuntur.
Quarum que media est, non est habitabilis estu:
Nix tegit alta duas, totidem inter utranque locauit,
Temperiemque dedit mixta cum frigore flamma.

Latitudo zonarum facile habetur, si quis sciat distantiam quinque circulorum. Nam 24. fermè gradus totum negocium uersant.




DE PARALLELIS, AC GNOMONVM
RATIONE. Cap. x.

Duplices sunt in ſphera parallelī. Alij enim diſtinguunt gra-
duſ latitudinum, & illi pinguntur in mappa, non unquam qui-

HEN. GLAREANI

SEPTENTRIO.



GEOGRAPHIA.

13

nis gradibus, nonnunquam denis distantes, numerando ab æquatore' po=los uersus. Alij distinguunt differentias horarum diei artificialis. Nam quo magis ab æquatore disceditur, tanto maior uariatio accidit hora=rum. Hi autem paralleli non pinguntur in mappullan, uerum margini=bus adponuntur. Intelliguntur tamen per totam terram ab oriente in oc=cidentem, ac de his nunc tractabimus. Ut autem intelligatur qua ratio=ne positi sunt, haec prænotanda duximus, Quod longitudo regionum su=mitur ab ortu in occasum, Latitudo uero à septentrione in austrum. Porrò latitudinem determinant paralleli, mensurant meridiani. Longi=tudinem uero distinguunt meridiani, mensurant paralleli. Cum autem o=mnies meridiani in polo conueniant, omnes sibi inuicem sunt æquales: sunt enim maiores circuli. Paralleli uero, cum non habeant ubi con=currant (quippe sic non essent paralleli) necessum habent, ut alius alio=sit maior, omnium uero maximus æquator, & ipsi à meridianis in equa=libus arcibus intersecantur: quorum arcuum proportio sciri non potest, nisi ex totius circuli proportione ad maximum. Præterea notan=dum, sub æquatore habitantibus, semper esse diem nocti æqualem, duo=denarum uidelicet horarum. Cuius causa est, quod horizon eorum o=mnies parallelos, quos sol describit, medios secat, ad angulos rectos sphærales, æqualesque arcus supra atque infra horizonta relinquunt. Ve=rum quo magis ab æquatore disceditur, tanto maiorem esse horarum ua=riationem, notisque ex diei. Ergo ubi horarum uariatio est ab Aequato=ris æ qualitate uno quadrante, ibi aliquis nouus parallelus ab oriente in occidentem à Ptolemæo descriptus est, usque in eum, qui per medium Hyberniæ, ubi propter sphærae precipitem coartationem, non qua=drantibus proceditur, sed medietatibus, & paulo post totis horis. Est autem haec subiecta descriptio ex Ptolemæi libro πόλις μεγα=λης προγματειας.

D

		Numerus parallelorum.	Hoc cum partibus.	Elevatione poli, sive elongatione parallelorum ab Aequatore.		Loca per quae scribuntur paralleli.	Climata.
Polus * Arcticus.	39	Medius annus	90	90		Per mare glaciale	XIX
	38	Menses quinque	84	75		Per mare glaciale	
	37	Menses quatuor	78 $\frac{1}{3}$	60 Gradus Tropici ex utraque parte	Per mare glaciale	XVIII	
	36	Menses tres	73 $\frac{1}{2}$	45 puncti maximæ elevationis supra	Per Pilappos		
	35	Menses duo	69 $\frac{1}{2}$	30 horizontali latitudi.	Per mediam Islandiam	XVII	
	34	Mensis unus.	67 $\frac{1}{2}$	15		Per Gotthiam	
Circulus Arcticus.	33	24	66 $\frac{1}{6}$	Perision primus. i. umbras circundunt (centum.)	Per Gotthiam	XVI	
	32	23	66		Per Gotthiam.		
	31	22	65 $\frac{1}{2}$		Per extrema Scythiae.	XV	
	30	21	64 $\frac{1}{2}$		Per Scythiam.		
	29	20	63		Per Thylem.	XIV	
	28	19 $\frac{1}{2}$	62		Per Ebudas insulas.		
Heterocyclus iniqui-	27	19	61		Per septen. Hyberniæ	XIII	
	26	18 $\frac{1}{2}$	59 $\frac{1}{2}$	Hic umbrarum rationes deficiunt.	Per medium Hyberniæ.		
	25	18	58	40 $\frac{2}{3}$ 96 419 $\frac{1}{12}$	Per australes part. Hyb.	XII	
	24	17 $\frac{1}{2}$ $\frac{1}{4}$	57	39 $\frac{1}{2}$ 92 $\frac{1}{3}$ $\frac{1}{12}$ 372 $\frac{2}{3}$	Per Camolodunum Britan.		
	23	17 $\frac{1}{2}$	56	37 $\frac{2}{3}$ 88 $\frac{1}{2}$ $\frac{1}{3}$ 335 $\frac{1}{4}$	Per mediam Britaniam.	XI	
	22	17 $\frac{1}{4}$	55	36 $\frac{1}{4}$ 85 $\frac{1}{3}$ 304 $\frac{1}{2}$	Per Bullæum Britanniae.		
Tropicus Cancri.	21	17	54. I. minut.	34 $\frac{1}{2}$ $\frac{1}{3}$ $\frac{1}{12}$ 82 $\frac{1}{2}$ $\frac{1}{3}$ 278 $\frac{1}{2}$ $\frac{1}{4}$	Per Tanais ostia.	X	
	20	16 $\frac{1}{2}$ $\frac{1}{4}$	52.50. minut.	33 $\frac{1}{2}$ 79 $\frac{1}{12}$ 253 $\frac{1}{6}$	Per Rheni ostia		
	19	16 $\frac{1}{2}$	51 $\frac{1}{2}$ 0	31 $\frac{1}{3}$ $\frac{1}{12}$ 75 $\frac{1}{3}$ $\frac{1}{12}$ 229 $\frac{2}{3}$	Per Agrippinam coloniam.	IX	
	18	16 $\frac{1}{4}$	50 $\frac{1}{4}$	29 $\frac{1}{2}$ $\frac{1}{3}$ $\frac{1}{12}$ 71 $\frac{1}{3}$ 210 $\frac{1}{3}$	Per mediam Mœotim.		
	17	16	48.32. minut.	27 $\frac{1}{2}$ 67 $\frac{1}{2}$ $\frac{1}{3}$ 188 $\frac{1}{2}$ $\frac{1}{12}$	Per Borysthenis ostia.	VIII	
	16	15 $\frac{1}{2}$ $\frac{1}{4}$	46.51. minut.	25 $\frac{1}{2}$ 63 $\frac{1}{2}$ $\frac{1}{3}$ $\frac{1}{12}$ 174 $\frac{1}{6}$	Per fontes Istri.		
Amphicyl Sex.	15	15 $\frac{1}{2}$	45.1. minut.	23 $\frac{1}{4}$ 60 155 $\frac{1}{12}$	Per medium pontū Euxinū.	VII	
	14	15 $\frac{1}{4}$	43 $\frac{1}{4}$	20 $\frac{1}{8}$ $\frac{1}{3}$ 55 $\frac{1}{2}$ $\frac{1}{3}$ $\frac{1}{12}$ 144 $\frac{1}{4}$	Per Mæsiliam.		
	13	15	40.56. minut.	18 $\frac{1}{2}$ 52 $\frac{1}{2}$ 127 $\frac{1}{2}$ $\frac{1}{3}$	Per Helleponum	VI	
	12	14 $\frac{1}{2}$ $\frac{1}{4}$	38 $\frac{1}{2}$ $\frac{1}{12}$	15 $\frac{2}{3}$ 47 $\frac{1}{2}$ $\frac{1}{3}$ 114 $\frac{1}{2}$ $\frac{1}{3}$ $\frac{1}{12}$	Per Smyrnam.		
	11	14 $\frac{1}{2}$	36	12 $\frac{1}{2}$ $\frac{1}{3}$ $\frac{1}{12}$ 43 $\frac{1}{2}$ $\frac{1}{12}$ 103 $\frac{1}{3}$	Per Rhodum	V	
	10	14 $\frac{1}{4}$	33.18. minut.	10 39 $\frac{1}{2}$ 93 $\frac{1}{12}$	Per mediam Phoeniceam.		
Aequator	9	14	30.22. minut.	6 $\frac{1}{2}$ $\frac{1}{3}$ 35 $\frac{1}{2}$ $\frac{1}{12}$ 83 $\frac{1}{4}$	Per inferiora Aegypti.	IIII	
	8	13 $\frac{1}{2}$ $\frac{1}{4}$	27.40. minut.	3 $\frac{1}{2}$ 31 $\frac{1}{2}$ $\frac{1}{3}$ 54 $\frac{1}{6}$ $\frac{1}{2}$ al.	Per Ptolemaida Thebaid.		
	7	13 $\frac{1}{2}$	23.51. minut. 20. sec.	0 27 $\frac{1}{3}$ 65 $\frac{1}{2}$ $\frac{1}{3}$	Per Syenen.	II I	
	6	13 $\frac{1}{4}$	20.14. minut.	3 $\frac{1}{2}$ $\frac{1}{4}$ 22 $\frac{1}{3}$ 58 $\frac{2}{3}$	Per Napatos		
	5	13	16.2.7. minut.	7 $\frac{1}{2}$ $\frac{1}{4}$ 17 $\frac{1}{2}$ $\frac{1}{4}$ 51	Per Meroën.	II	
	4	12 $\frac{1}{2}$ $\frac{1}{4}$	12 $\frac{1}{2}$	12 13 $\frac{1}{3}$ 44 $\frac{2}{3}$	Per Adulicum sinum.		
	3	12 $\frac{1}{3}$	8 $\frac{1}{3}$ $\frac{1}{12}$	16 $\frac{1}{2}$ $\frac{1}{3}$ 8 $\frac{1}{2}$ $\frac{1}{3}$ 37 $\frac{1}{2}$ $\frac{1}{3}$ $\frac{1}{12}$	Per Aualicum sinum.	I	
	2	12 $\frac{1}{4}$	4 $\frac{1}{4}$	21 $\frac{1}{3}$ 4 $\frac{1}{2}$ $\frac{1}{12}$ 32	Per Taprobanan.		
	1	12	0	27 $\frac{1}{2}$ 0 27 $\frac{1}{2}$	Per mediam Aphricam.		
				Aestiva. Aequinoctialis. Hyberna.	Gnomonum umbræ.		

HEN. GLAREANI

In hac figura primus ordo significat numerum Parallelorum. Sunt enim 39. in uniuersum. In secundo ordine positæ sunt horæ cum partibus. Deuenitur autem ab. 12. horis ad medium annum. Porro tertius ordo declarat, quo gradibus quiuis parallelus ab æquatore distet, donec ad nonagesimum usque gradum peruentum fuerit. Deinde sequuntur tres ordines pro umbrarum in Gnomonibus ratione, quorum primus æstiuam umbram explicat, Secundus æquinoctialis, Tertius hibernam, usque ad. 25. parallelum. Nam ultra deficiunt rationes umbrarum, propter propinquitatem nimis angustam, ut ait Ptolemæus.

Vltimus ordo loca habet in terra habitabili, per quæ paralleli ipsi meant. Marginibus porro apposuimus utrinque, illic parallelorum nomina ex umbris, hic climatum numerum. Sed de ijs in sequentibus copiosius differemus. Exempli gratia. Aequinoctialis est primus parallelus, qui habet perpetuo. 12. horas. Elongatio eius nulla est: quippe alij paralleli ab ipso distant. Aestiva umbra est. 27. et semis partium, quadratum Gnom. 60. Aequinoctialis nulla, Hiberna totidem quod æstua. Per medianam autem Africam describitur æquinoctialis, ut habet nostra etate terra habitabilis.

Item secundus parallelus. 12. habet horas, et quadrantem: distat ab æquatore gradibus quatuor et quadrante. Umbra æstiva partes habet. 21. et trientem. Aequinoctialis partes. 4. cum triente et uncia. Hiberna uero triginta duas. Meant autem per Taprobane insulam Indicem maris. De reliquis parallelis eodem modo conisciendum.


De Gnomonibus autem hoc sciendum: Erigatur ad perpendicularum filius in plano, et que cum horizonte iacente, diuidaturque filius in. 60. æquas partes, in quas easdem et planum iacens et que scindatur, sed longius multo protendatur, uidelicet ut hyemales umbras pingi queant. Tunc sane in quavis regione, quas diximus umbras, facile uidebis. Nam æquinoctialis umbra bis in anno inquire potest, æstiva semel, ac hiberna semel, uidelicet cum sol est in Tropicis. Deficiunt autem umbrarum rationes in uicesimo sexto parallelo. Superfluumque est (ait Ptolemæus) uel

GEOGRAPHIA.

horarum, vel umbrarum quadrantes, in gnomonibus recente-
sere, ob nimis angustam propin-
quitatem parallelorum. Por-
rò obiter hic notandum, quod
ex umbrarum, quamquam alia
ratione, triplices sunt nomina-
ti paralleli. Primi Amphiscij,
id est, in utramque partem um-
bram mittentes. Fit enim bis in
anno, sole ad uerticem aduen-
tante, ut gnomones nullam um-
bram faciant in meridie. Ac ho-
rum quidem umbræ ad Austrum
declinant, cum Sol circa Can-
crum uersatur: ad Septentrio-
nem autem, cum Sol ad Capri-
cornum descendit. Tales cer-
te sunt omnes inter duos tropi-
cos comprehensi paralleli: In
figura uero nostra, sex primi.

Alteri sunt Heteroscij, id est
in alteram duntaxat partem
umbram mittentes. Primus
eiusmodi est parallelus per Sye-
nen, uidelicet Tropicus Cancri,
quanquam is Solem supra ca-
put habet, non etiam reliqui He-
teroscij. Heterosciorum itaq;

E 230
240
250
260



HEN. GLAREANI

primus est Tropicus Cancri, ultimus autem tricesimus secundus, numero quidem uigesimus sextus, omnes à Tropico Cancri ad circulum arcticum usque. Ultimi sunt Periscii, id est, qui umbram in omnes horizontis partes mittunt in circulum omni die. Horum primus est tricesimus tertius parallelus. Quippe in hoc dies. 24. horarum est. Et totus quidem æstiuus tropicus supra horizonta conspicitur, alter uero occultur. Numero quidem Periscii sunt septem, à circulo arctico omnes ad polum usque.

Inter circulum arcticum et polum, propter sphæræ angustiam, differentia parallelorum per. 15. augetur gradus, sed utrinque ab latere Meridiani intellecti, qui menses singulos efficiunt, donec sub polum deuentum est, ubi dimidiatus annus est, dies unus: dimidiatus alter, nox una: quoniam sex ibi signa supra horizonta consistunt, sex infra. Itaq; totus annus illic ex die uno, & nocte una conflatur. Est autem hæc figura dimidiata sphæræ. Nam hemisphæria eiusdem rationis sunt. Et quæ in hoc diximus hemisphærio, in altero prorsus ita habent. Quare res explicata in hoc nostro, in altero patet.

DE CLIMATVM RATIONE.

CAPVT XI.

Clima proprie regio est, ex, ut Columella ait, quoquo uersus. 60 pedum. Est enim octaua pars iugeri. Apud Geographos uero horarum inclinatio dicitur. Definiunt autem hoc pacto, Clima est spaciū terræ, inter duos parallelos comprehensum, in quo porre-
ctissime ab initio Climatis, usq; ad finē eiusdem, dimidiata hora uaria-
tio est diei. Vbi notandum, quotum aliquod clima ab æquatore fuerit,
tot semi horis, longissima eius loci dies, superat diem nocti æqualem. Est
igitur ratio Climatum dupla ad rationem parallelorum. Nam paralle-
li quadrantibus distant, Clima uero duobus quadrantibus, id est, me-
diatis horis. Et ubi parallelī dimidiatis horis constituuntur, ibi Clima-

GEOGRAPHIA.

16

integris horis procedunt, & sic sequenter ad finem usq; parallelorum, seruata dupla ratione. Ex figura autem præcedenti parallelorum, facile est coniugere omnia accidentia Climatum, ut sunt horarum differentiae, poli eleuatio, & umbrarū ratio. Porrò qui nostra etate de Climatum ratione scripsierunt, preceptionem nobis dederunt, cum ab initio, tum à fine claudicantem: quidlis est Ioannis à Sacro Buſto, quem authorem de ſphēra uocant. Climata uero haud dubie denominari debent ab ultimo parallelo, ubi media hora diei uariatio eſt. Erunt itaque Climata. 19. his nominibus nominata, Per Aualicum ſinum, per Meroēn, per Syenen, per inferiora Aegypti, quod alij dicit αλεξανδρια: per Rhodum, per Helleſpontum, quod author de ſphēra uocat Διογέωμης: per medium pontum, per Boryſthenis oſtia, per Agrippinam Coloniām, per Tanais fluuij oſtia, per medianam maiorem Britaniām, per australes partes Hyberniā, per ſeptentrionalia Hiberniā, per Thylen, per extrema Scythiā, per Gotthiam, per medianam Islandiam, per mare Glaciale, & ultimum hinc polum usque. Ceterum ut hic deſcripta ſunt Climata hemiſphērii noſtri, ita in altera parte alterius hemiſphērii, eadem ratione conſtitui poſſunt, quemadmodum etiam antea de parallelis diximus.

QVOD TERRAE QVANTITAS HUMANO INGENIO CERTO DEPREHENDI QUEAT.

CAPVT XII.


Ad eam rem hypotheses ſunt aliquot. Prima, Circuli ad circulum eſſe proportionem. Secunda, Medium cœli nobis ſemper apparere. Tertia, Demiſſos radios à ſole, in terræ differentes parteis, parallelos eſſe. Quarta, Terram ſe ad totum cœlum habere uelut punctum. Quinta, Aequalium angulorum producetas circumferencias, ſimiles eſſe, id eſt, eadem rationem, proportionemq; babere ad circulos ſuos. Eius eſt exemplum subsequens.

E ij

HEN. GLAREANI

Nam quemadmodū b a
est quadrās maximi cīr
culi a b c d, ita f e est
quadrans medijs circuli e
fg h, & n k minimi. Sūt
enim omnes ad angulū a
ib. Itē ut p e est octaua
pars medijs circuli, ita l
k est octaua pars mini-
mi circuli. Sunt enim ad
eundem angulum arcus.
Ita quemadmodū cōclum
in quatuor equa spartes
diuidimus, super centrū


mundi, nimirum sua propotione etiam terra in quatuor partes scindi-
tur, ut superni quadrantes inferni quadrantibus comparētur. Et quem-
admodū quadrantes in cōclō nonagenis gradibus diuiduntur, ita etiam
terræ quadrantes. Cum autem cōclum circumvoluat, totum utiq; sub
aspelū cadit: atque ita facile est illic quartam portionem inuenire. Se-
cūs autem de terra. Quandoquidē homo diutina peregrinatione, nisi su-
periora respexerit, scire nō potest quotā partem eius transferit. Alioqui
facillimum erat totius terræ quantitatē, atq; adeo omnes eius partes in-
uestigare. Ideoque hæc ex superioribus uenari oportet. Quam ad rem
sunt Arstrolabia, atq; alia instrumenta multa. Porrò de quadrante ne-
gotium facillimum est, id nunc exequemur. Diuide quemuis cōclum
in partes quatuor, ita ut dimetientes duæ se in centro ad angulos rectos
intersecant. Deinde semidiametro alteri pinnulas appone, per quas &
poli stella, uel aliud astrum uideri queat: aut per quas radij solares pos-
sint demitti. Ex dictis autem notum est, si per pinnulas uideas polum,
eam dimetientem significare axem mundi: alteram autem pinnulis ca-
rentem, & equatorem. Quod si per foramina pinnularum, radios solis ac-



GEOGRAPHIA.

17

cipias (quod commodissime fit cum sol sub æquatore decurrit) illa dimensio
tius significat æquatorem, altera uero axem mundi. Porro limbus
quadrantis diuidendus est in nonaginta partes, & si uoles, etiam oppo-
situs arcus in totidem. Deniq; sige in centrum perpendiculū, & paratus
est quadrans, quantum ad hoc negotium attinet. Huius hæc est figura.



HEN. GLAREANI


Cæterum memoria tenendum est, quod capite octauo diximus, quatuor puncta cum horizonte cedere, ab meridie in septentrionem cedentibus nobis, aut contra, à septentrione in meridiem. Sunt autem hæc, Duo poli, zenith capitum nostri, atq; punctum ei oppositum. Nam quantum superius nos ab æquatore discesserimus, tantum inferius oppositum punctum identidē cedit, atq; adeò polus alter leuat, alter deprimitur. ideoq; hæc quatuor idē sunt, distātia zenith ab æquatore, distātia puncti oppositi ab eodē æquatore, eleuatio poli, ac depressione alterius poli.

Est item huius negotij alia demonstratio, quæ tamen etiam ipsa prœcedit ex capite octauo.

Esto circulus abcd, Colurus nostro Meridiano iunctus. Sed b d horizon, Item e f, axis ac poli mundi. Porro æquator sit diameter op. Denique h g m, quadrans minoris circuli. Et limbus eius, g n m, respondens inferiori quadranti in celo, f c p. Item pinnulae quadrantis g h. Sed perpendicularis il. Cum autem horizon à nobis sit institutus b d, erit eius axis ac, in quem perpetuo cadet perpendicularis. Si igitur polum inspicere quis uoleat, cadet g h latus quadrantis minoris circuli, cum axe mundi fe. At h m, cum æquatore op. viso igitur polo, uide quo perpendicularis ceciderit. Id enim in limbo, quem uidemus ita esse. 90. partibus dissectum, quemadmodum prior formula monstrabat, numerum graduum ab n in m abscondit, quæ certe portio quadrantis respondet coeli portioni, quæ est cp. Tum ita ratiocinandum. Eadem est distantia zenith ab æquatore in nobis apparenti hemisphærio, quæ et puncti pedum in inferiore ac nobis absenso hemisphærio. Sed n m respondens cp indicat nobis numerum graduum, quantum punctus pedum ab æquatore distat, ergo etiam quantum zenith nostrum ab æquatore distat, indicabit. Porro cum eadem distantia sit zenith ab æquatore, cū eleuatione poli, ut capite octauo demonstratum est, numerus gradu in limbo quadrantis abscessus à perpendiculari, uidelicet ab n in m, erit numerus eleuationis poli, ac sic regionū latitudo à nobis inquisita est.

GEOGRAPHIA.

18



HEN. GLAREANI
DE LATITUDINE TERRAE.
CAPVT X I I .

LAtitudo terræ à Meridie in Septentrionem intelligitur, sed perquiritur ex superioribus dictis. Quippe sub æquatore polus in horizonte conspicitur. Sin autem uero itinere ad alterutrum polorū, ab eo uno gradu cesserimus, id quod, ut iam diximus, ex instrumento facile haberi potest, hoc tum spatiū metiri oportet: quo menso, aperte apparebit, quantum terræ singulis gradibus respondeat. Porro id inter bina loca, ubiunque gentiū uoles, inuenire poteris, modo à Meridie in Septentrionem, aut contra, incesseris recta sub meridiano. eum numerum uel milliarium, uel stadiorum inuentum multiplicain 360. gradus. Ita habebis totum ambitum terræ, qui quidem est secundum maiorem circulum. Verum quot stadia singulis gradibus respondeant, diuersum auctores tradidere. Ptolemaeus enim singulis gradibus quingenata stadia deputat, quæ si multiplicauerimus in 360. gradus, proueniēt. 180000. stadiorum. Rursus si hunc numerum multiplicauerimus per 7. ac summan productam per 22. diuiserimus, emerget subito numerus dimicentis, stadiorū. 37272. ac $\frac{2}{11}$. Quod si octona stadia singulis milibus passuum deputabis, fiunt totius ambitus millaria Romana 22500. Plinius enim lib. 2. cap. 32. cit stadium habere passus 125. Itaq; in mille nos passus uenient octona stadia. Eratosthenes autem, ut idem Plinius penultimo capite lib. 2. author est, singulis gradibus deputat septingenta stadia. In quibus à Ptolemaeo ducenis stadijs distat. Eratosthenis supputationem secutus est Strabo & ueterum plarique, & author de sphæra. Ambitus autem totius maioris circuli, auctore Eratosthene, erit 252000 stadiorum. At millium passuum. 3500.

DE LONGITUDINE CIVITATVM
CAPVT X I I I .

SAnè à Borea in Austrum per facile est regionum latitudinem, ut capite precedente iam docuimus, inuenire: quandoquidem utrinque

GEOGRAPHIA.

19


aliquid immobile principium est, uidelicet polus. At ab ortu in occa-
sum non ita facile, quando nullum ibi principium immobile uidetur.
Ideoque notandum, quemadmodum zodiacus in 12. signa dividitur, ita
etiam aequinoctialis. Quem eo libentius nominamus, quod zodiaci si-
gna inaequaliter oriuntur atque occidunt. Porro quinideni gradus e-
quinoctialis, id est, dimidiatum signum, singulis horis descendunt,
Triceni uero, id est, totum signum, binis horis. Sequitur ex eadem ra-
tione, ut totus aequator intra 24. horas exoriatur, quae faciunt diem na-
turalem. Item semicirculus intra 12. & singuli quadrantes senis horis:
ut igitur ciuitatum longitudine inuestigetur, hoc considerandum est,
quot horis citius Sol oriatur huic, quam alteri ciuitati. Necessum enim
est, ut quae magis ad orientem sunt urbes, etiam citius orientem solem
habeant, quam ea, quae ad occasum uergunt. Quod si ciuitas aliqua,
una hora citius habuerit orientem solem quam altera, haud dubie qui-
nis denis gradibus distabunt. Si duabus horis, tricensi. Sin media ho-
ra, distabunt gradibus septenis ac semijsibus. Verum haec differentia
ortuum, in diuersis regionibus potest accipi, ex uno aliquo, quo d eodem
tempore, atque adeo uno momento apparet in diuersis regionibus. Qua-
les sunt eclipses Lunæ, quae uno quidem minuto temporis consistunt,
sed ijs, qui magis orientales sunt, plures horas de horoscopo abscin-
dunt, quandoquidem citius habuerunt orientem solem, ideoque citius
etiam numerarunt: ut Arbilis Assyria urbs orientem uersus, habuit E-
clipsim hora quinta, quando Carthago occidentem uersus hora secun-
da. Tribus ergo horis distant, gradibus. 45. authore Ptolemaeo libro. I.
capite quarto. Eius sit typus subsequens.

F

HEN. GLAREANI

a, Sinarum regio & oriens. c, Fortunatae insulae & occidens.
ab c, superius hemisphaerium cognitum. ad c, inferius hemisphaerium Ptolemæo incognitum. bcd, arcus noctis Sinarum. dab, arcus noctis insularum Fortunatarum.

SEP= b TENTRIO.



GEOGRAPHIA.

20

DE MENSURA ET EIVS PARTIBVS, AT-
que inibi de pede Romano.

Cap. xv.

Mensuram omnem, de qua nobis sermo est, finitam esse constat:
Partes uero eius multæ sunt, cum apud Latinos, cum apud
Græcos. Nobis à minimis incipiendum, sed breuiter, ut alia.

Est igitur digitus, qui continet quatuor hordei grana in latū posita.
Palmus minor quatuor habet digitos, græce παλλούς ἡ, à nostris
transuersa manus. Maior, 12. digitos, quem Græci παθαρόν uocant. La-
tini dodrantem. Pes quatuor palmos minores habet. Cubitus siue
cubitum, sequipedem. Gressus, duos pedes & semissem, græce βῆμα.
Passus quinque pedes, hoc est, duos gressus. Orgia, sex pedes: est enim
mensura inter manus expansas, ut uertit ex Suida Budæus. Stadium
125. passus. Plethrum centum pedes, quanquam sœpe pro iugero ca-
pitur. Diaulos, duo stadia. Milliarum nomen habet à mille passi-
bus: continet autem stadia octo. Dolichos, duodecim stadia. Schenius
60. stadia. Parasanga, 30. stadia. Stathmos porro, id est, tabella
riorum, siue ueredoriorum diuersorum, mensurarum maxima, non ita
certa tamen: apud quosdam tamen millaria, 28. & semis continet.

Quando autem de mensuris certatim omnes præcipiunt, qui Ma-
thematica nostra etate docent, pauci uero, quoties quid oculis subiecti-
dum est, quicquam certi adferre in medium possunt, operæ pretium ui-
sum est nobis, mi ornatisime Ioannes, studiosæ iuuentuti indicare uel
unam hic mensuram pictam, pedis inquam Romani, quam quondam
cū Lutetiæ degerem, à Clariſſimo, D. Guilielmo Budæo, Gallie nostræ
maximo ornamento, accepi. Nam forte cū ab urbe pessis nos pelleret, ac
ambulare aliquo liberet, commodū in mente uenit, ut illius uillam inui-
serem. Et uidi quidem non absq; ingenti uoluptate. Demum Basileæ cum
benignitas tua è Francia legatione reuersa, uellet aliquot mensibus hic
frui consuetudine D. ERASMI Roterodami, uero ac Christianæ
Theologie instauratoris, parentisque nostri, ac omnium studiosorum,

F ij

I	II	III	III	V	VI	VII	VIII
---	----	-----	-----	---	----	-----	------

Dimidium pedis antiqui ex Leonardo.

HEN. GLAREANI

monstrareretq; mirificum hoc opus sphaerae, quod Christianissimus Galliarum rex FRANCISCVS tibi dono dederat in monumentum amoris mutui. Memini me quoque tum tibi monstrasse, quid muneris ego à Budeo, eiusdem illustrissimi regis Secretario haberem. Erat munus illud tuum regium, eximum, ac magnificum, à maximo principe datum. Meum nō eiusmodi, sed tamen quale decebat doctrinam ac eximium uirum dare, studiosum accipere. Certe ut nulla sit donorum comparatio, certe animi nobis estimandi sunt. Rex est omnium munificissimus, Budeus omnium humanissimus, uterque munificus, uterque humanus. Sed ad rem reuertar. Iubebas tum ut faber aliquis eundem pararet tibi pedē, quod factum est à nobis sedulo. Atque hic est, quo urbs Parisiensis in operibus publicis utitur. Putatq; Budaeus eam formam à Romanis in Gallias, ut pleraq; alia uenisse. Eam hic oculis subiçere placuit, sed dimidiata duntaxat, propter spaciū angustiam.

Porrò cum haec scriberem, in manus nostras uenit aliis Rō. pedis typus Leonardi de Portis, Iuris consulti Vicentini, uiri ap prime eruditissimi, ac diligentissimi, quam ait Romæ in hortis Angli Colocij uiri doctissimi extare. Eam quoque formam hic appinximus, ne studiosi hic quicquam desiderarent.

Parisienſi pedi fermè conueniunt apud artifices formæ, quibus in operibus publicis utuntur. Superat autem Leonardi pedem plus uncia. Et ipse Leonardi ingenue fatetur pedum publicorum formæ maiores esse uncia x v i digitis manus non omnino crassæ, ut nunc sunt homines. Ridiculum autē fortassis, quod quidam putant olim maiores fuisse homines, quam sint nostra etate. Ut res se habeat, uerisimilius est cum primum typus hic hominibus placeret, ut mensuræ examen esset, electum esse hominem eximiae staturæ non omnino portentosæ, nec etiam prorsus vulgaris, à cuius magnifica forma,

I	II	III	III	V	VI	VII	VIII
---	----	-----	-----	---	----	-----	------

GEOGRAPHIA.

21

magnifica mensura acciperetur. Et uidi quorum pedes excederent hanc formam Parisiensem, sed in paucis: in plarisq; deficere. Leonardus putat à natura hæc inspicienda: quandoquidem denominatio pedis à natura est: Et siliquas ubiq; esse easdem, & digitos quoque. At ego coniicio postea hanc per siliquas diuisionem à doctis adiectam, primum autem per dem usurpatum ut nūc publice habetur. Verum huius negotij institutum non est, ut hæc exactius prosequamur. Quod aut ad negotium nostrum attinet, sciendum in omnibus circulis maioribus, quoquo uersus trahantur, omneis gradus æquales esse, atque singulis quingenta stadia respondere, authore Ptolemæo, si codex non fallit. Nam authore Eratosthenè, quem fermè sequuntur Geographi, collatio singulorum graduū, est septingentorum stadiorum. Neque uerisimile est, ducentorum stadiorum differentiam in singulis accidisse gradibus. Id etiam supra adnotauimus, cum de latitudine terræ diceremus. Quapropter multiplicæ cœli gradus, qui sunt. 360. in quingenta stadia, subito emergent, maximi cuiusq; circuli stadia. 180000. quæ si per octo diuidantur, prouenient milliaria italica. 22500. In parallelis autem discrimen est, nam quanto æquinoctiali propinquiores sunt, tanto maiores arcus habent, ac proinde maiorem collationem in gradibus. Contra uero, quanto polo propinquiores, tanto minores arcus habent, & proinde minorem collationem in gradibus. Hæc in tabulis Ptolemæi ferè marginibus apponitur.

DE VENTIS.

CAP. xvi.


Ventus est exhalatio calida & sicca, lateraliter circa terram mota. Causa efficiens uenti est Sol & astra. Materia uero exhalatio, quæ dum in sublime, partim astrorum ui, partim natura tollitur, obstatum inuenit medianam regionem aëris frigidam, & ab se pellentem calidum. Ideoque retruditur exhalatio, meātque in obliquum circa terram. Vbi notandum, aerem secundum qualitatem, diuidi in tres regiones: Infimam, quæ proxime circa nos est, plerunque temperatam: Me-

F ij

HEN. GLAREANI

diam frigidam, quam attingunt celsissimi montes. Tertiam supremant calidam proximanq; sphæræ ignis. In hac postrema generantur dracones uolitantes, stellæ cadentes, & similes impreßiones, ut uocant Phyſici. Quod uero ad loca uentorū attinet, notandum in quois horizona.

SEPTENTRIO.



GEOGRAPHIA.

22

te quaternas uentrorū regiones principales intelligi posse, quibus utrinque binas adpingere oportet. Erunt itaque tres ab ortu uenti, tres ab occasu, totidem & à septentrione, & à meridie: quae denotat hic depicta figura. Socios quidem uentos ab tropicis utrinque imaginamur, sicut ab Arcticis ex utraque parte. Poëtae uero quatuor duntaxat uentos principales nominarunt: ab ortu Eurum, ab occasu Zephyrum, ab septentrione Boream, & ab meridie Austrum. De hac re sunt hæc Manilius duo carmina.

Asper ab axe ruit Boreas, fugit Eurus ab ortu,

Auster amat medium solem, Zephyrusque cadet tem.

Eandem rem Naso lib. I. Metamor. describens, quanquam magis explicato sermone, atque adeo splendidioribus figuris depinxit.

Eurus ad Auroram, Nabathæque regna recepit,

Persidique, & radijs iuga subdita matutinis.

Vesper & occiduo quæ littora sole tepeſcunt,

Proxima sunt Zephyro. Scythiam, septemque triones

Horrifer inuasit Boreas. Contraria tellus

Nubibus aſſiduis, pluuiisque madescit ab Austro.

Venti etiam diuersarum sunt conditionum, sanissimi Boreas, & Subsolanus: pestiferi Auster & Chorus: tonitruosi præ cunctis quidem Boreas, quanquam etiam Circius & Chorus: hi etiam fulminosi sunt. Zephyrus pruinias soluit & frigus. Contrarij uenti putandi sunt secundum diametrum horizontis, quemadmodum Zephyrus Subsolano, & Septentrio Austro, ut præcedens figura facile indicat. Nomina etiam uentis imponuntur ſæpe à contrapositis terris, quemadmodum Græci Cæciam dixerunt HelleſPontium, quod ab HelleſPonto in Græciam deferretur. Et Horatius Chorum uocat Iapyga, quemadmodum etiam Ptolemeus, quod ab Iapygo Italie promontorio euntibus in Aegyptum flet, ut in Ode. 3. Sicte diua potens Cypri. Eadem ratione Latini Circium uocauere Gallicum, quod à Gallia ferretur. Porro multi docuerunt ut omni tempore sciatur unde cuius uentus flet:

HEN. GLAREANI

quem admodum Vitruvius lib. I. negotium non ita magnum, si figuram istam, quam pinximus, in planum ponas, atque in eius medio filum erigas, à quo depeideat linum, aut quippiam aliud, quod uento agitari queat. Id unum tamen cura, ut dimetiens illa, cui inscripti sunt Notus & septentrio, lineam meridianam præsentet, quod horoscopo facile inuenitur.

QVA RATIONE PTOLEMÆVS AC EIUS sequaces pinxerint orbem. Cap. XVII.

Cum uellet Ptolemæus longitudinis terræ etiam ponere aliquod immobile principium, Alexandriam patriam suam elegit, ad quam omnes omnium ciuitatum differentias in horis referret, uidelicet quantum alię ad ortum, quantum alię ad occasum tenderent. Constituit itaque ad occasum Meridianum, qui per polos transiens, altera dimidiatā parte ad orientem usque protenditur, totūque habitabilis terræ longitudinem claudit. Quæ ut ipse inuenit, ex duobus quadrantibus constat gradibus autem bis nonaginta, id est. 180. Verum nostra ætate alteri quoque duo quadrantes magna ex parte lustrati sunt. Sed notandum omne rotundum dimidiata duntaxat uideri parte. Ut igitur tota habitabilis sub unum aspectum ueniret, qui nostra ætate habitati orbis typum pinxerunt, globi superficiem aperuerunt, uelut chlamyde magis pansa. Videmus autem globum circulis circundatum, ac primis quidem duobus principalibus meridianis, qui in polo ad angulos rectos, quem admodum Coluri in sphæra, sese intersecant, ac totam superficiem in quaternos quadrantes diuidunt. Alteris uero parallelis. Ptolemæus igitur duos nobis quadrantes exhibuit ab occidente in orientem. Alteros duos nostri utrinq; marginibus adiecerunt. Porro omnes lineæ, quæ à polo in mappa descendunt, vocantur Meridiani: quæ uero ab ortu in occasum, parallelī dicuntur, eo quod nullo in loco conueniant. Dimisio omnium frequenter fit gradibus denis, quanquā & quinis fieri potest.

GEOGRAPHIA.

23

DE PICTURA GLOBI.

CAPVT XVIII.

Terram in globum pingere uulgato hoc modo possumus. Primum sanè inquirendi sunt poli, & hoc uel motu, uel circino. Circinatio autem potissimum ex quadrantibus constat. Deinde inuestigandus est æquator, quem eodem pacto, quo polus, inuestigare possumus, ita ut ab utroque polo omnibus partibus æquatissime distet. Meridianos autem faciemus omnes in polo coeunteis, & in æquatore maxime distantes. discernuntur autem frequenter in mappulis denis gradibus, nonnunquam etiam quinis, ut iam dictum est. Eorum centrum est in æquatoris peripheria inquirendum. Et paralleli quidem totidem gradibus discernuntur, quorum centrum est polus. Deinde ponamus alicubi numerum graduum longitudinis terræ. Is autem ad occidentem post Hispanias incipit, ut constituit Ptolemæus. Porro eum numerum pingere conuenit ad incognita terræ. Sic enim nusquam impedimento erit. Latitudinis gradus etiam ad occidentem pingi possunt. Et in pingendis terris utili etiam fuerit ab ipsa mox Hispania incipere. Ducendi sunt autem primum termini littorum triū partium continentis, Europe, Africæ, atq; Asie. Postea uero & fluij, & mōtes maiores pingendi, quamvis spatiis iniquitate nō excludimur. Insulæ quoq; & maris sinus, & si qua alia adjici possunt, aut ex mappulis, aut ex tabulis facile haberi possunt.

DE INDVENDA PAPYRO IN GLOBVM.

CAPVT XIX.

Habito quadrante cuiusque maximi circuli in globo, diuide eum in parteis treis, ut consuetudo est communis signa pingentium: deinde accipe papyrum, quam in planum immobilem ponito, duc in eam longissimam lineam, in qua ut minimū. 30. discriminato parteis, quales in quadrante globi ternas inuenisti. Secta aut sic tota linea hismodi partibus, ponito circini pedem ad extremum marginem, & al-


G

HEN. GLAREANI

terum extende pedem in undecimum punctum, ita ut dena
transmittas spacia, duc subin de arcus circulorū, hemiciclijs
minores, ex puncto in punctum, deinceps mouendo pedem
circini. Porrò in alterum marginem conuerso circino, con
uersos duc arcus, ac. 12. sectis partibus, habes papyri, quā
globo inducas. Sunt autem uelut. 12. zodiaci signa, sed in
ēquatore facta, quanquam in his error bifariam accidere
potest, & quod globi raro uere rotundi ab artificibus pa
rantur, & quod circinus etiam facile cedit. Verum hæc à
mediocriter exercitato facile corrigi possunt.

Sit linea a b, in triginta & quas diuisa partes, quales sin
guli quadrantes aequinoctialis ternas habet. Ponito circi
ni pedem alterum in b, alterum extende in o: sic enim dena
transmittes spacia, duc arcum q r. Deinde ex b promoue
circinum uno puncto, ita enim alter pes in n ueniet. Tum
rursus duc arcum, atque ita deinceps, donec in c deuenient
fuerit. Deinde in marginem alterum transfer circinum,
ita ut in a posito uno pede, in d alterū extendas, atq; illic
duc arcum s t, & emerget duodecima pars superficii quā
querimus c s d t. Deinde ex a promoue uno punto circi
num ut antea in altero margine fecimus: ita enim in e pes
alter ueniet, ac deinceps promoue donec ad p deueneris,
ac habebis duodecim partes papyri, quā globo apte circū
ponere poteris, quanquam superne propter sphæræ coar
stationem nonnihil superabit. Sed id corrigerem haud ma
gno negotio quis exercitatus poterit.

DE NOMINIBVS GEO
GRAPHORVM.
C. A. P. XX.



GEOGRAPHIA.

24

Vadriplicia sunt nomina Geographorum. Prima maris, mari=timorum que locorum. Sunt autem hæc: Mare, Oceanus, Sinus, Fretum, æstus, Euripus, Bosporus, portus, littus, agger, ora, Chersonesus, id est, peninsula, isthmus, Insula, promontorium. Altera nomina generalia partium terre sunt hæc: Continens, terra, ter=ritorium, regio, regnum, prouincia, Gentiles, populus, plebs, urbs, Ciui=tas, Oppidum, Emporium, Castellum, Vicus, Pagus, Villa, Casa, Tuguriu=m. Tertia nomina agrorum sunt hæc: Mons, Vallis, Collis, Cilius, Rupes, Vertex, Iugum, Cacumen, Conuallis, Fauces, Campus, Ager, Aruum, Pratum, Pascua, Sylua, Lucus, Nemus, Saltus, Virgulta, Spine=tum, & similia. Quarta, nomina generalia fluuiorum, stagnorum, & cæterorum aquosorum locorum, sunt hæc: Fons, Riuus, Fluuius siue flu=men, Torrens, Fluuentum, Gurges, Amnis, Fluctus, Vnda, Ripa, Ostium, Alueus, Vadum, Lacus, Stagnum, Palus, Lacuna, Cisterna, Piscina, Ther=mae. Hæc apud Ioannem Coelæum Noricum amicum nostrum, diffuse ac eleganter descripta, paucis attigimus, ne in alieno opere ingeniosi esse uideremur.

DE DIVISIONE TERRÆ.

Cap. xxi.

Quoties fit metrio de diuisione terræ habitabilis, intelligitur hæc sectio de superficie terræ supra aquam extante, quam homines & reliqua animantia inhabitant. Eius tres sunt partes: Europa, Africa & Asia. Minima est Europa, in qua nos sumus. Caput eius Roma. Media est Africa, in qua Carthago, pertinax Romani impe=rrij æmula. Maxima autem est Asia, cuius caput quondam Troia. Porro ha tres partes uocantur Continens. Nam insula dicitur undique circumdata mari. Nec alicubi harum adhæres cōtinuata terra. Europa diuiditur ab Asia mari Aegæo, Propontide, Ponto Euxino, Maeotide palude, Tanai fluuio, & hinc linea, quæ recta à fontibus Tanais ad septentrionem porrigitur. Inter mare Aegæu & Propontidē est Hellespōtus, per quē olim transauit Leander ab Abydo ad Sestum, urbes littorales, illā Asia,

G ij

HEN. GLAREANI

hanc Europæ. Inter Pontum Euxinum & Propontidem est Bosporus Thracius. Inter Mæotim & Pontum Euxinum, Bosporus Cimmerius, ab oppido Cimmerio Thauricæ Chersonesi, quod ipsum tamen à Cimbris nomen habet, auctore Strabone lib. 7. Eadem Europa ab Afrika diuiditur, primum fretu Herculeo, deinde mari mediterraneo, quod etiam nostrum mare omnes scriptores uocant. Accipit autem appellationem hoc mare ab uarijs, quas alluit gentibus. Nā ubi Iberiam, id est, Hispaniam attingit, uocatur Ibericum. Vbi Baleares insulas, Balearicum. Vbi Galliam, Gallicum: post Ligusticum, ab Liguribus populis: & Tyrrhenum, & Tuscum, & Hetruscum, & Inferum. Item Hadriaticum, siue Venetum, siue Superum: Ionium deinde, & Siculum à Sicilia, & Sardoum à Sardinia, & Africum ab Africa. Ita Libycum, Aegyptiacum, Syriacum, Pamphylicum &c. Africa uero diuiditur ab Asia mari Indico, mariq; rubro, qui & sinus Arabicus dicitur. Deinde linea quæ ab Heroum ciuitate per Isthmū, quo Asia & Africa conuentur, ad nostrum mare uergit, quanvis plerique authores ponant terminos Asiae & Africæ Nilum, quos recte reprehendit Ptolemaeus lib. 2. cap. 1. Ait enim commodius esse, quoties fieri potest, mari, quam flumine continentem diuidere. Præterea ne Aegyptus scindatur, ac eisdem atur, si Nilus statuatur terminus,

EVROPA.

DE EVROPA ET PARTIBVS EIVS
maioribus. Cap. XXII.

AB Europæ descriptione omnes authores inceperunt, tanquam ab ea quæ esset notior ac magis culta. Deniq; maximè celebrata, cum ob Macedonum imperium, tum ob Romanorum potestia. Strabo etiam lib. 2. multas præterea rationes adserit. Hanc Ptole-

GEOGRAPHIA.

25

mæus libris duobus, uidelicet secundo & tertio, descripsit, in utroq; re= giones denas septenas enumerans. Ita ut in uniuersum regiones Euro= pæ sint. 34. tabulæ uero decem. Sunt autem regiones hoc ordine, Hy= berna insula Britannica, Albion similiter insula Britannica, Hisp= a= nia Bethyca, Hispania Lusitania, Hispania T araconensis, Gallia Aqui= tanica, Gallia Lugdunensis, Gallia Belgica, Gallia Narbonensis, Ger= mania magna, Rhetia, Vindelicia, Noricum, Pannonia superior, Pan= nonia inferior, Illyris & Dalmatia. Hactenus ex libro secundo apud Ptolemaï, sequente uero libro rursus. 17. hæ Italia, Cyrrus, Sardinia, Sicilia, Sarmatia in Europa, Taurica Chersonesus, Iazyges Metana= stæ, Dacia, Mysia superior, Mysia inferior, Thracia, Chersonesus, Ma= cedonia, Epyrus, Achaia, Peloponnesus, & Creta insula.

DE REGIONIBVS QVAE LIBRIS SE= cundo ac tertio apud Ptolemaium continentur.

Et primum de insulis Britannicis.

CAPVT XXIII.

CVM autem in describendo orbe, ingenium ac industrias Ptolemai nemo uicerit, opere & precium uisum est nobis illuc iuuentutē uelut ad fontem, & perfectum huius negocij artificem dirigere. Perstrinximus itaq; regionū generales fines ad illius præscriptionem, pau= cula adjicientes rerum uel priscarū, uel nostræ etatis: insigniūq; locorū quædam noīa, ut uidelicet tædiūm iuuentutis alleuaremus. Porrò nec in artificio solum eximius Ptolemaeus, sed in ordine quoq; admirabilis, ita regiones deinceps texuit, ut à sinistris ad dextera, hoc est, ab occasu ad ortū: deinde à magis septentrionalibus ad australia pergeret. Ideoque ab Hybernia insula maxime septentrionali atque occidentali incœpi.

Hybernia itaque insula à Septentrione Hyperboreo alluitur ocea= no, ab occasu occidentali, à meridie Verguo, ab ortu Hybernicō. Ho= die dicitur Irlandt. Paret autem Anglorum regi. Homines sunt agre=

G iiij

HEN. GLAREANI

stes. In ea fabulantur esse D. Patricij purgatorium. De hac miranda
scribit Pomponius Mel. a.

Cōtrarium Albion à septentrione habet Oceanum Deucalidonium, ab occasu
autem qui= Hybernicum & Vergium, à meridie Britannicum, ab ortu Germani-
dam hodie cum. In ea neque montes sunt, neque paludes, authore Ptolem. Ho-
dierunt. die in duo regna diuisa est insula, Anglia, & Scotia: quibus populis nō
admodum conuenit. Insula triquetra est apud Cæsarem & Strabonem.
De ea copiose tractat Cæsar libro. 5. de bello Gallico. Insulæ adiacent
his Orchades triginta numero, & Thyle septentrionis ultima apud
ueteres.

DE HISPANIA. Cap. XXXIII.

Secunda Eu-
rope tabu-
la.

Continentis prima portio ad occasum, est Hispania, quæ à Septen-
trione Cantabrico, ab occasu occiduo clauditur Oceano, à meri-
die freto Herculeo, & mari nostro, ab ortu Pyrenæis montibus, qui Gal-
liam ac Hispaniam distinguit. Strabo lib. 3. corio bubulo ad similit.
Hæc treis in parteis à Ptolem. diuiditur. In Bæticam, Lusitaniam, &
Taraconensem.

Bætica à Bæti fluvio denominata, fines habet à septentrione
Lusitaniam, diuisam ab ea fluvio Ana: ab occasu oceanum occiduum,
à meridie fretum Herculeum & mare nostrum, ab ortu lineam, quæ à
Balearea ciuitate ad Anam ducitur. Hæc regio hodie regnum Gra-
natæ dicitur.

Lusitania à septentrione habet Taraconensem Hispaniam, diuisam
ab ea flumine Durio, ab occasu Oceanum occiduum, à meridie Anam
flumen, ab ortu lineam ab Ana ad Durium ductam. Hanc regionem
aliquanto maiorem facit Strabo. Et nostra quoque etas. Protugallia
enim uocatur, regnum nobile, cuius solertia factum est, ut ab Hispania
in Indianam hodie nauigetur. Ciuitas regia in ea est Vlysbona, quam Pli-
nius Olyßipponem uocat.

Taraconensis Hispania, plus quam dupla ad priores, à septentrione

GEOGRAPHIA.

26

oceānum Cantabricum, ab occāsu occiduum habet, Lusitaniam, Bētia cāmque à Meridie mare Ibericum, siue nostrum, ab ortu Pyrenæos mōtes ac Galliam. Hanc secat annis Iberus, a quo olim Romani Hispaniam citeriorem ac ulteriorem diuiserunt. Hæc natio hodie quatuor habet regna, Castellæ, Galliciæ, Nauarræ, ac Tarragoniæ, ab inclita Scipionum ciuitate. Præclarissimi in Hispania populi Celtiberi, ac eorum urbs Numantia, quæ Romanis decem annis restitit, tandem à Scipione inferiore expugnata. Item Sagunthum oppidum insigni clade sub Hannibale claram, & Carthago noua à Scipione superiore expugnata. Porro Hispania Romanis obstat plus ducentis annis, sub Augusto primum perdonata. Insulæ duæ adiacent Hispaniæ Baleares, maior & minor, quæ hodie etiam inde Maiorica ac Minorica vocantur. Et Gadis in extremo oceano Herculi sacra. Item Herculis columna in Bætica, Calpæ.

DE GALLIA.

Cap. XXV.

S Equitur Gallia post Pyrenæos montes, inter Hispaniam Germaniamque, & duo maria, Oceanum & mare nostrum sita. Quam C. Cæsar, & ueteres omnes in partes tres diuiserunt, Aquitaniam, Celticam (quæ propriæ Gallia) & Belgicam. Aquitania à Celtis diuiditur Garumna flumine. Celtæ à Belgis flumine Sequana, Denique Belgæ à Germanis flumine Rheno. Hic enim est antiquus limes Gallorum & Germanorum apud omnes authores. Atque hæc diuisio fuit antiqua. Augustus autem Cæsar Aquitanis adiecit quicquid inter Garumnam & Ligerim amnes est populorum. Tum reliquos Celtas in Galliam Lugdunensem & Narbonensem diuisit, adiecta Narbonensi prouincia ueteri, quam ante a Romani tenuerant, quæque hodie adhuc nomen tenet. Hanc diuisiōem posteriores secuti sunt Geographi, præcipue uero Ptolemæus. Eam nos quoque nunc prosequemur. Aquitania igitur habet ab occasu oceanum Aquitanicum, à septentrione & ortu Lugdunensem Galliam, flumine Ligeri discretam, à me-

HEN. GLAREANI

ridie partim Pyrenæos montes, partim Narbonensem Galliam.

Lugdunensis à septentrione oceanum Britanicum spectat, ab occasu partim oceanum, partim Aquitaniam iuxta dictos limites. Ab ortu Belgicam, diuisam ab ea flumine Sequana, à meridie Narbonensem Galliam.

Denique Belgica à septentrione Britanicum habet oceanum, ab occasu Lugdunensem, ab ortu Germaniam magnam, diuisam ab ea flumine Rheno, à meridie Narbonensem Galliam.

Poſtremo Narbonensis Gallia, à septentrione Lugdunensi ac Belgica concluditur, ab occasu Pyrenæis montibus ac Aquitania, ab ortu Alpibus, à meridie mari Gallico. Hic lectorem admonere uolumus, in deſcriptione Gallie, quod ad loca attinet, plus tribuendum C. Cæſari, quam Ptolemæo. Quippe Cæſar regionem peragrauit ac uidit. Fuit enim diligenter in locis describindis Cæſar. Porro Ptolemæus id non egit ut omnia priuata loca ad amuſim pingere, sed ut regionum in genere ueram phantasmam ac formam oculis subijceret. Sequani igitur, Rauraci, Heluetij, Leuci, et Lingones, uiciniq; populi, nequaquam Belgis sunt adscribendi, sed Celtis: etiamſi aliter tradidit Ptolemæus. Item Dubis, quem Cæſar Alduſdubim uocat, Arar, et Rhodanus, non ex eisdem montibus originem ducunt. Nec Auentinū, aut ciuitas Equeſtris, Sequanorum ciuitates sunt, etiamſi ita exhibuit nobis Ptolemæus: sed Heluetiorum, ut de Auentico Cornelius Tacitus lib. 17. docet. Hoc idem de ciuitate Equeſtri satis patet ex situ Heluetiorum, à Cæſare deſcripto. Gallorum omnium fortissimi (ait Cæſar) Belga, maximæ famæ Cæſar totam Galliam decennio subegit, ait Strabo. Flumina Gallia habet oportuniſſima in utraq; maria, et noſtrum et oceanum. Eam Franci, origne Germani, magna ex parte occupauere, præter Belgicæ maritimæ oram, et eam qua Rhenum attingit: præterque Lothoringos, et Heluetios, qui hodie Sabaudenses dicuntur. Vrbes habent principalem Lutetiam, olim Parisiorum oppidum, et

GEOGRAPHIA.

27

Lugdunum nobile emporiū. Belgæ hodie in Picardos, Flandros, Brabætos, Hollandosq; diuisi sunt, & quosdam alios non ignobiles populos. Aquitani Gasconie hodie nomen retinent. Celtæ autem innumera nomina. Ex his multi sunt, qui Francis parent, sunt item qui non parent.

DE GERMANIA. Cap. xxv i.

Germania magna ab occasu Rhenum habet Galliasque, à septentrione Oceanum germanicum, à meridie flumen Danubium. regiones uero Rhætiam, Vindeliam, Noricum, Pannonias duas, superiorē & inferiorem. Ab ortu Vistulam flumen, & Carpathum montem. In hac tam uasta ac magna natione, ex antiqua appellatione quatuor duntur populorum nomina mansere, Saxonum, Phrisiorum, Marcomannorum, & Sueorum. Et Sueui quidem quondam ad Albim fluuium habitabant, patentissima regone, ut patet apud omnes authores. Cæterum Strabo etiam Sueorum ad ortum Danubij meminit libr. 4. ad finem, ubi hodie quoque manet nomen. Marcomanni autem hodie uulgo Merrhenlandi dicuntur. Germania maximus fluuius est Albus, ultra quem Romani non habuerunt imperium, ait Strabo libr. 7. Maxima sylua in ea Hercinia est, de qua Cæsar libr. 6. elegantissime differit: & que hodie Nigra sylua dicitur, eiusdem caput est. Bacenis autem sylua longe alia est, uidelicet non longe ab Albi fluuio in Sueuis. Multi hodie Pieriarum uolunt: que in Turyngis est. Tota hodie natio in multa regna & regulos diuisa est, nō magno suo commodo. Vititur autem fermè ueteri lingua Germania, exceptis Bohemis, ac parte Poloniae. Urbes quoque in ea præclarissimæ, ut urbs Norica in umbilico propè Germaniae, Erphordia in Turyngis, Praga in Bohemis, Vratislavia in Silesiis, Lubecum in Cimbricæ Chersonesi isthmo, & reliquæ infinitæ.

Quarta
Europæ ta-
bula.

DE RHÆTIA, VINDELICIA NORICO,
Pannonijs duabus, Illyri, & Dalmatia. Cap. xxv i.

Rhetia ab occasu Heluetijs, à septentrione Danubio & Germania, ab ortu Lyco flumine & Vindelicia, à meridie alpibus ter-

Quinta
Europæ ta-
bula.

H

HEN. GLAREANI

minatur. Hæc natio non prorsus ita habet apud Strabonem, qui eam ad Comum usque extendit. Hi origine Thusci sunt, ut autor est Liuius lib. quinto ab urbe condita. Et lingua Thusca etiamnum apud Rhætos manet, quamquam non corrupta, ut idem dit Liuius. Ipsi in tria foedera sciisi sunt, licet non eo omnino tractu, quem pingit Ptolemeus.

Vindelitia ab occasu Lyco & Rhætia, à septentrione Danubio & Germania, ab ortu Aeno & Norico, à meridie item alpibus clauditur. In ea præclarissima urbs Augusta Vindelicorum ad Lycum annem.

Noricum ab occasu Aenum flumen & Vindeliciam, à septentrione Danubium & Germaniam, ab ortu Pannoniam superiorem, à meridie alpes habet. Hæc duæ nationes nunc nomen Bauariæ habent.

Pannonia superior ab occasu Noricum, à septentrione Germaniam & Danubium, ab ortu Pannoniam inferiorem, à meridie Illyrim habet. Hodie Austria & Stiria. Porro in ea præclarissima urbs Vienna.

Pannonia inferior à septentrione Germaniam & Danubium, ab occasu Pannoniam superiorē, à meridie Liburniā siue Illyrim, & ab ortu Iazygas Metanastas habet. Hæc hodie sub Vngaris propemodum est.

Illyris, quæ eademi Liburnia (nam authores hæc duo nomina ferè cōfundunt) Item Dalmatia (quæ magis ad ortum ac meridiē à Ptolemæo non singulatim descripta, quamquam regionem singularem puto) à septentrione habent utrang; Pannoniam, ab occasu Histriam, ab ortu superiorem Myssiam, à meridie Macedoniam ac mare Hadriaticum. Tota hæc natio Sclauonia hodie uocatur, vulgo VVendenland.

DE ITALIA, CORSICA, SARDI-

nia, & Sicilia. Cap. XXVIII.

Sexta Eu-
rope tabu-
la.

Hactenus quæ libro II. apud Ptolemaeum sunt regiones, nunc quæ libro III. Italia peninsula ab occasu Alpium iugis terminatur, ad Varū usque flumē, & Tyrrhenō pelago, quod etiā mare Thuscū & inferum dicitur, à septentrione alteris alpium iugis, quæ Rhætiae, atq; alijs:

H

GEOGRAPHIA.

28

sequentibus nationibus imminent, ab ortu Hadriatico mari, quod nunc Venetum uocant, olin à Romanis Superum uocabatur, denique à meridie mari Siculo. Hęc omnium regionum praeclarissima. Caput habet Rhomam, olim gentium dominam, & Tyberim amnem. Urbes praeterea praeclarissimas, Insubrium Mediolanum, Venetorum Veronam, & urbem nouam, quę nunc Italıe clarissima est, Ligurū Genuam, Thuscū Florentiam, Campanorum Capuam, nec longe ab ea liberam quondam Neapolim. Per medium Italiam mons Apenninus tendit, perinde atque spina per tergum hominis. Est in Italia togata Gallia iuxta Padū ingens flumen, ad Rubiconem usque amnem, ubi uera Italia incipit. Hęc olim Gallia Cisalpina uocabatur, cum altera Gallia, uidelicet nostra, Transalpina, Comata, ac Bracata diceretur. Italıe forma tibi.e demortui hominis adsimilis est.

Cyrnos, quę & Corsica insula, ab occasu & septentrione mari Iugusto, ab ortu Hetrusco clauditur, à meridie mari quod inter ipsam ac Sardiniam iacet. Hęc insula est nunc sub Genuensem dominio. Laudatur hodie ex ea uinum.

Sardinia ab ortu habet Tyrrhenū pelagus, à meridie Africū, ab occasu & septentrione Sardoum. Hęc insula plantæ humani pedis ad similis est.

Sicilia insula triquetra, ab occasu & septentrione mari Tyrrheno clauditur, à meridie Afro, ab oriente Hadriatico sive Ionio. Tria habet promontoria, unde & Trinacris à Græcis dicta, quorū Pelorus septentrionem ac Italianam spectat, Pachynus ortū, Lilybēū meridiem & occa sum. Ex Lilybæo quidā naues è Carthaginēsi portu egrediētes uidere poterat, ut refert Valer. Max. lib. 1. non ita longe à fine. Itaq; quidā pūtāt Siciliā plus aequo remotā ab Africa in Ptolem̄ei descriptione. Strabo tamen lib. 17. ait Carthaginē distare à Lilybæo spacio milliū stadiorū ac quingentorum fere, quę cum Ptolem̄ei nō omnino discrepat pictura. In hac insula mons Aetna incendio memorabilis, Syracusæ urbs, ac Messana. Sardinia ac Sicilia hodie sub ditione Hispanorum esse dicuntur.

Septima
Europa ta
bula.

H ij

HEN. GLAREANI

DE SARMATIA EVROPÆ, TAVRICA

Chersoneso, Iazygibus Metanastis, Dacia, duabus Mysis,
& Thracia. Cap. xxix.

Octaua Eu- **S**armatia Europæ terminatur à septentrione oceano Sarmatico, ab
ropæ tabu- occasu Vistula fluuio & Germania, à meridie Iazygibus Metanastis,
la. Dacia ac Mysia inferiore, ab ortu Sarmatia Asiatica, fluuio Tanai, Mæotideque palude. Hæc regio nostra etate in multas regiones di-
uisa est, Poloniam, Rhusiam, Prusiam, Lituanicam, Liuoniam Mosco-
uiam, Podoliam, Albam Rhusiam, Sarmatiæ maior pars, neque parua
Germaniæ portio hodie sub victoriosissimo principe SIGISMUNDO
rege Polonie degit. Est in hac Borysthenes satis celebre flumen.

Nona Eu- **T**aurica Chersonesus Mæotide palude, Cimmerio Bosporo, ac mari
ropæ tabu- Euxino penè circundatur. Hodie minor Tartaria à quibusdam.

la. **I**azyges Metanastæ terminos habent à Septentrione Sarmatiam
Europæ, ab occasu & austro Germaniam & Pannoniam inferiorem,
ab oriente Daciam, hodie Septem castra dicuntur, uulgo Sibenurg.

Dacia terminatur à septentrione Sarmatia Europæ, ab occasu Iazygibus Metanastis, à meridie Mysia superiore & Danubio, ab ortu Mysia inferiore & Danubio. Hanc hodie Transylvanianum uocant. Est autem longe alia ab ea, quam non rectè hodie Daciam uocant, cum sit Dania appellanda, uulgo Dammarkt, ad Cimbricam Chersonesum.

Mysia superior à septentrione habet Daciam, ab occidente Dalmatiam, à meridie Macedoniam, ab ortu Thraciam. In ea est Dardania. Hæc hodie Seruia dicitur.

Mysia inferior ab occasu habet Daciam, à Septentrione Sarmatiam in Europa, ab ortu pontum Euxinum, à meridie Thraciam & Aemum montem. Hic Danubius sex ostijs in pontum Euxinum effunditur. Hodie Valachia & Bulgaria.

Thracia à septentrione habet inferiorem Mysiam, ab occasu super-

GEOGRAPHIA.

29

riorem, à meridie mare Aegaeum, ab ortu Bosporum Thracium, ac Propontidem. In hac Constantinopolis est, olim Byzantium.

Ad Thraciam & Hellefponatum est proprie Chersonesus, ubi urbs Sestus, amore Herüs & Leandri clara.

D E M A C E D O N I A , E P E I R O , A C H A I A , E V-
boia, Peloponneso, & Creta insula. Cap. xxx.

Macedonia limites habet à septentrione Dalmatiam, Mystiam superiore & Thraciam, ab occasu Ionium pelagus sive Hadriaticū, à meridie Epeirū atq; Achaiam, ob ortu Aegaeū pelagus. Ea natio rebus gestis, & regū nobilitate, præclarissima, præcipue nro Alexandri Magni. In ea urbes quoq; præclarissimæ, Theffalonica, Philippi, Demetrias. Montes, Athos, Olympus, Ossa, Pelios, & Othrys. fluij, Sperchius, Peneus, Axius & Strymon. Ptolemeus hanc latiorē facit quam uetus descriptio habet apud Liuium de bello Macedonio.

Epeirus à septentrione terminatur Macedonia, ab occasu & meridie mari Ionio sive Hadriatico, ab ortu Achaia. Montes in ea Acroteria & Pindus à Theffals irminens. Ciuitates, Oricum, Ambracia, & Actiū. Hæc natio à Romanis maximè uictata fuit, nobilis suo quondam Pyrrho rege. Insulam adiacentem habet Corcyram, olim Phœcam dictam ut putant quidam, nobilem carmine Homeri, & Alcinoo rege, nunc Corfun nominant. Sunt & aliae adiacentes insulae, Ithaca, Ulyssis patria, Cephalenia, & Echinades, ac Zacynthus.

Achaia ab occasu habet Epeirum, à Septentrione Macedoniam, ab ortu mare Aegaeum, à meridie Hadriaticum, & Creticum pelagus. In hac sunt Athenæ disciplinarum altrix quondam, Delphi in Phocide oraculo Apollinis clari. Montes, Helicon, Parnassus, Cytharon, Hyemettes. Fluijus, Asopus. Regiones præclarissimæ, Aetholia, in qua Calydon: Bœotia, in qua Theba: ac Phocis, in qua (ut diximus) Delphi. Item Sunium promontorium. Achaiae Eubœia ingens adiacet insula,

Decima Eu
rope tabu
la.

H iii

HEN. GLAREANI

hodie Nigra pont. In ea Chalcis ciuitas clara morte Aristotelis. Ea est iuxta Euripum è regione Aulidis portus Bœotie.

Peloponnesus limites habet à Septentrione Corinthiacum sinum, Isthmum, & Creticum pelagus. Ab occasu atq; meridie Adriaticū pelagus, ab ortu Creticū mare. Hodie Morea dicitur. Hac toto orbe peninsula maxime celebrata est, propter Mycenarum, Argiorum, Lacedæmoniorum, Sicyoniorum, Eliëtium, Arcadum, Pyliorum, & Messeniorum imperium. Multæ horum populorum præclarissimæ urbes, multi principes celebrati, immensæ res gestæ, mōtes quoq; ac fluij celeberrimi. Ab occasu Strophadas insulas habet duas, ab Austro Cythera, ab ortu Salamina, & Aegnam maximæ famæ.

Creta insula ab occasu terminatur mari Adriatico, à Septentrione Cretensi, à meridie Punico, ab oriente Carpathio. Hac quoq; insula nulla sub cœlo magis celebrata, centum olim habebat oppida, ideoq; ab Homero ναξτόμενοι dicta, hodie Candia. Item in Aegaeo pelago insulae sunt multæ, quædam ab situ vocantur Cyclades, quæ circa Delum in circulo positæ sunt. Reliquæ Sporades dicuntur, quod undiq; per mare dispersæ sunt. De his omnibus Plin. lib. 4. cap. 12. copiosissime. Hæ oœs nationes, quas hoc capite enumeravimus, sub Turcarum imperio sunt.

AFRICA.

DE AFRICA, ET EIVS PARTIBUS,
ac primum de Mauritanis duabus, Africa minor, ac Numidia. Cap. XXXI.

Sequitur deinde Aphrica, altera mudi pars, quā Ptolemaeus. lib. 4 tabulis quatuor descripsit. Habet autem regiones duodecim, Mauritanias, Tingitanam ac Cœsariensem, Numidiam nouam, Aphricam propriam, Cyrenen, Marmaricam, Libyam, Aegyptum inferiorem.

GEOGRAPHIA.

30

Thebaida, Libyam interiorem, Aethiopiam supra Aegyptum, Aethiopia
piam omnibus his australiorem.

Mauritania Tingitana ab occasu habet oceanum occidentalem, ad Prima Afri
septentrionem fretum Herculeum & Ibericum, usque ad Maluæ fluuij cætabula.
ostia, ab ortu Mauritaniam Cæsariensem, à meridie Getulianam & Li-
byam interiorem. In hac Ptolemæus duos Atlantes constituit, maiorem
& minorem. Est in ea Tingis Cæsarea, & columna Herculis Alyba.

Mauritania Cæsariensis ab occasu habet Tingitanam, à septentrio-
ne Sardoum pelagus usque ad Ampsagum fluuum, ab ortu Africam, à
meridie Libycos montes & Getuliam. In hac Siphacis quondam regia,
& Mæsyliorum regnum, quod postea in Mæsanissæ manus uenit.

Aphricæ latus occidentale, terminatur Mauritania Cæsariensi, & Secunda
Ampsaga fluuio: septentrionale, pelago Aphricano: orientale, Cyrene: Africæ tæ-
meridionale, desertis interioris Libyæ. In hac Carthago est pertinax in bula.
perniciem usque suam Romanij emula. Est Utica, ubi poste-
rior Cato se occidit. Est & Numidia prouincia, quam suis quibusdam,
sed non ita proprijs terminis descripsit Ptolemæus. In ea Cirtha regia
ciuitas maxima, quanquam Ptolemæus eam Cirtefiorum faciat urbe.
Multæ ante Aphricam insulæ sunt, & duæ Syrites, maior & minor,
impediti ac salebrosi sinus maris. Hæc tota cum duabus Mauritanijs
natio, hodie Barbaria uocatur.

DE CYRENAICA, AC RELIQVIS nationibus Africæ. Cap. XXXII.

Cyrene ab occasu habet Syrtim magnam, ac Africam proprie, & se= Tertia A=
ptentrione Libycum pelagus, ab ortu Marmaricam, à meridie de= fricæ tabu-
sætæ Libyæ interioris. Ciuitates insignes inter cæteras sunt Beronice, la.
Arsinoë, Ptolemaïs, Apollonia ac Cyrene, unde & Pentapolis dicta.

Marmaricæ, Libyæ, ac Aegypti, Ptolemæus non adeò accurate di-
stinxit, quanquæ Marmaricæ ad Cyrenæ ponit, deinde Libyam, postre-
mo Aegyptum ad Asiam & sinum Arabicum. Hæc tres etiæ natiōes ad:

HEN. GLAREANI

septentrionem habent Aegyptiacum pelagus, ad meridiem Aethiopianam supra Aegyptum. In Libya hac est Hammon oraculo Iouis clara ciuitas. In Aegypto inferiore Alexandria est metropolis, opus Alexandri Magni, & regum Ptolemaeorum regia, denique nostri Ptolomaei patria. Hæc Aegyptius Nilo quotannis irrigatur, fluuiu totius orbis maximo, qui septem hostijs in nostrum mare exoneratur, ac Aegyptum inferiorem in literæ Δ formam ambit. Supradhanc Thebais regio est ad Nili rias utrinque, ac undique propemodum montibus circundata. In ea multæ ac præclarissimæ urbes, ut Thebae centum portis, Homero celebratæ: quæ etiam diabolis, de qua Iuuenalis,

Rari quippe boni, numero sunt uix totidem quot

Thebarum portæ, uel diuitis hostiæ Nili.

Ad sectionem Nili, ubi Δ efficit, Babylon est: atque paulo infra Tana, ubi filii Israël priorem captiuitatem, de qua in Exodo, passi sunt, ac Mose duce per rubrum mare sive sinum Arabicum in deserta Arabie deducti, postea in terram sanctam uenerunt.

Quarta
Africæ tabula.

Libya interior terminatur à septentrione duabus Mauritanis, Africæ atque Cyrene, ab ortu Aethiopia quæ supra Aegyptum est, ab occasu oceano occidentali, à meridie Aethiopia omnibus his australiore. Populi in hac celebres Garamantes, & Getuli. Aethiopia quæ supra Aegyptum est, terminos habet à septentrione Aegyptum, Marmaricam, & Libyam: ab occasu interiorem Libyam, à meridie exteriore Aethiopianam, ab ortu Arabicum sive mare rubrum. In hac Meroe insula est Nili, in qua diuus Matthæus prædicasse Euangelium dicitur. Item Troglodytica natio ex Aromatica.

Aethiopia omnibus his australior, à septentrione habet Libyam à interiore & Aethiopiam supra Aegyptum, ab occasu & meridie Ptolemaeo incognitam terram, ab ortu sive Barbaricum, quæ pars est oceanii Indici meridionalis. In hac montes Lune sunt, ex quibus Nili paludes originem trahunt. Extremū Ptolemaeo cognitū Prassum est promontorium, uerū nostra ætate tota hæc portio à Lusitanis inuēta est, ut postea exponemus.

GEOGRAPHIA.

31

ASIA.

DE ASIA TERTIA PARTE MUNDI.

CAPVT XXXIII.

Asiam magna Ptolemæus tribus libris descripsit, quinto, sexto, et septimo: item 12. tabulis. Provincias eius facit 48 quam in ultimo catalogo libri octauo apud eundem non usque adeo clarum est, num Pontum ac Bithyniam duas faciat reges, an Galatiam ac Paphlagoniam: utræque enim illic binæ, quæ in quinto singulae, nec distincte. Idem de magna Phrygia et Syria Cœnæ dubitamus. Sunt autem in quinto hæc nationes, Pontus ac Bithynia, quæ proprie Asia dicuntur, Phrygia magna, Lycia, Galatia, Paphlagonia, Pamphylia, Capadoccia, Armenia minor, Cilicia, Sarmatia, Asiatica Colchis, Iberia, Albania, Armenia maior, Cyprus insula, Syria cœna, Phœnice, Palæstina Iudea, Arabia petrea, Mesopotamia, Arabia deserta, Babylonie. In sexto hæc sunt nationes, Assyria, Susiana, Media, Persis, Parthia, Carmania deserta, Carmania altera, Arabia felix, Hircania, Margiana, Bactria, Sogdiana, Sacæ, Scythia intra Imaum montem, Scythia extra Imaum montem, Serica, Aria, Paropamisus, Drangiana, Arachosia et Gedrosia. In septimo libro sunt hæc, India intra Gangem fluvium, India extra Gangem, Sinarum regio, et Taprobane insula.

DE PONTO AC BITHYNIA, ASIA PROPRIA.

Lycia, Galatia ac Paphlagonia, Pamphylia, Cappadocia, Armenia minore et Cicilia. Cap. XXXIV.

Ponti ac Bithyniae termini sunt ab occasu Thracius Bosporus et Prima Africa Propontidis pars, à septentrione pontus Euxinus, ab ortu Galatia, sicut tabula à meridie regio quæ proprie Asia. In ea sunt urbes præclaræ Chalcedon, Nicea ac Nicomedia.

I

HEN. GLAREANI

Quæ proprie Asia dicitur, habet à septentrione Bithyniam, ab occa-
casu Propontidem, Hellespontum, ac Aegaeum pelagus, quod ijs in lo-
cis Icarium ac Mirtoum dicitur. à meridie Rhodiense pelagus, ab ortu
Lyciam, Pamphyliam, ac Galatia. Sed notandum regionē quæ proprie
Asia dicitur, apud Ptolemaeum comprehendere Phrygiā magnam ac
Cariam. Preterea esse in ea Myrias duas, maiorem ac minorem. Phry-
gias item duas, maiorem & minorem, & hanc quidem dici Troiadē,
in qua Ilium ac Ida mons. Denique in ea esse Aeolida, Ioniam, ac Do-
rida regiones. Est autem hæc natio abunde apud omnes autores cele-
brata urbibus præclarissimis. Preterea fluminibus ac montibus innume-
ris. Carium etiam nomē in militia clarum est, Lydorum uero in diuitijs.
Hæc hodie cum adiacentibus regionibus magna Turcia dicitur.

Lycia terminatur ab occasu & septentrione regione, quæ proprie
Asia dicitur, ab ortu Pamphyliam, à meridie mari proprio. In ea Xan-
thus flumen, ac Patara urbs.

Galatia limites habet ab occasu Bithyniam & partē Asiæ proprie,
à meridie Pamphyliam, ab ortu Cappadociam, à septentrione pontum
Euxinum. In hac Paplagonia est ad pontum Euxinum. Item ciuitas
Synope, & extrema Carambis, fluvius Halis, Lydij olim ac Medici
imperij discrimen. Galatæ à Celtis oriundi sunt, quos Græci Galatas,
Latini Gallos dixerunt. Galatarum lingua ait D. Hieronymus suo
tempore fuisse similem Treuirorum. Ad hos D. Paulus scripsit.

Pamphylia terminatur ab occasu Lycia ac Asia, à septentrione Ge-
latia, ab ortu Cilicia & Cappadocia, à meridie Paphylico mari. In hac
sunt Perga & Attalia ciuitates, quarū mētio est in Actis Apostolorū.

Cappadocia terminatur ab occasu Galatia, à meridie Cilicia, ab
ortu Armenia minore, & superne etiam maiore, à septentrione ponto
Euxino. In hac flumen est Termodon. Item ciuitates maritimæ due,
Trapezus & Temiscyra. Item Amaseia Strabonis patria,
Armenia minor à septentrione & occasu habet Cappadociā, ab ortu

GEOGRAPHIA.

32

Armenia maiore, distincta ab ea Euphrate flumine: à meridie Ciliciam.

Cilicia terminatur ab occasu Pamphylia, à septentrione Cappadocia & minore Armenia, ab ortu Ammano monte, à meridie mari Iſico sive Cilicio. In hac fluuius Cydnus, qui Tharsum urbem præclarissimam perluit D. Pauli patriam. Hactenus Chersonesi regiones enumeratæ sunt quam minorem Asiam uocamus. Habet autem insulas circumquaque adiacentes. Et Troas quidem, Tenedon, & Leſbon: Lydia uero Chium: Ionia autem Icarum, & Samum. Denique Caria Con, Doris Carpathū, Lycia Rhodum, omniestate claram insulam.

DE SARMATIA IN ASIA, COLCHIDE, Iberia, Albania, & Armenia minore. VI. Cap. XXV.

Sarmatia Asiatica terminatur à septentrione terra incognita Ptoleæ Secunda A= mœ, ab occasu Sarmatia Europæ, Tanai fluui, Maeotide palude sive tabula. ac Cimmerio Bosphoro: à meridie Euxino mari, Colchide, Iberia ac Al= bania: ab ortu Scythia intra Imaum monte, & mari Caspio. In hac sunt Amazones, montes Hyperborei, & Caucasus, Mithridatis rego, Ale= xandri columnæ. Et Turci, qui corruptè in omnibus Ptolemai codici= bus Thuscii leguntur. Hæc hodie Tartaria dicitur. Hic etiam notandum quas Ptolemæus duas Sarmatias facit, eas alios authores Scythias nomi= nare. Ac de alijs duabus Scythijs uel nihil, uel parum tradidisse, tametsi omnes septentrionis populos Scythes nominant passim.

Colchis habet à septentrione Sarmatiam in Asia, ab occasu pontum Euxinum, à meridie maiorem Armeniam, ab ortu Iberiam. In ea Phasis Tertia A= flumè, & urbs Diſcurias. Ex ea Medea cù Iasone profugit in Græcia. sive tabula.

Iberia undiq; motibus septa, terminatur à septentrione eadē Sarma= tia, ab occasu Colchide, à meridie maiore Armenia, ab ortu Albania.

Albania habet à septentrione eandem Sarmatiam, ab occasu Ibe= riam, ab ortu mare Caspium sive Hyrcanum, à meridie Armeniam maiorem. In his regionibus cum Mithridate rege Ponti bellavit

Iij

HEN. GLAREANI

Pompeius. Aliunt & in ea diuum Barptolemeum cōcionatū uerbū dei.

Armenia maior terminatur à septentrione Colchide, Iberia, ac Alania: ab occasu minore Armenia ac Euphrate, parte etiam Cappadociae: ab oriente mari Caspio & Media: à meridie Mesopotamia, atque Assyria. In montibus Armenie post diluuium arca Noe conseruata dicitur Gene. cap. 8. Quidam etiam addunt in Gordiæis montibus. Euphrates in ea oritur, & Araxes, & Tigris, fluvij celeberrimi.

DE CYPRO INSVLÀ, SYRIA, ATQVE
eius partibus, Phœnice, Caua Syria, Palæstina Iudea, Arabia
Petræa, Mesopotamia, Arabia deserta, ac Babylonia.

CAPVT XXXVI.

Quarta Afiae tabula. **C**yprus insula ab occasu pelagus habet Pamphylicum, à meridie mare Aegyptiacum, ab ortu Syriacum, à septentrione Cilicum. Hec insula Veneri quondam sacra fuit. Habet urbes Paphos duæ, ueterem ac nouam, & Salamina.

Syria terminatur à septentrione Armenijs, ab occasu Syriaco pelago, à meridie Iudea Palæstina, ab ortu Arabia deserta, Mesopotamia, ac flumine Euphrate. Natio mire celebrata in Iudeorum scriptis. Sub ea Phœnice comprehenditur, & Syria Caua, siue Cœle, quam non recte uocant Curuan. Antiochiam habet ad Orontem fluvium, nominatisimam urbem in Actis Apostolicis. Item Tyrum ac Sydonem, Seleniam, Damascum, Montes, Carmelum, Lybanum, & Antilybanum.

Palæstina Iudea pars Syrie, habet à septentrione Phœniciam, ab ortu Syriae partem, à meridie Petream Arabiam, ab occasu Syriacum pelagus. In hac Hierosolyma, Cæsarea Stratonis, Ioppe, nunc Iaphet. Multæ item aliæ in sacris literis nominatæ urbes. Ipsa etiam Samariam complectitur ac Galileam. In ea Iordanis fluvius, qui Genesiar lacum effundit. Ptolemæus etiam Tiberiadis addit lacum, qui neq; apud Pliniū, neque apud Strabonē habetur, sed Tiberias oppidū ad Genesaritidē la-

DE REGIONIBVS EXTRA PTO-
lemæum.

Cap. x l. & ultimum.

Quae extra Ptolemæi descriptionem sunt regiones, non ita certis authoribus traditæ sunt, nec etiam tanta diligentia ac arte descriptæ. Ab occasu quicquid rerum ultra Hispanias, ac insulas fortunatas est, totum Ptolemæo incognitum fuit. A septentrio- ne quicquid ultra sexagesimum tertium latitudinis gradum, ubi Thyle locatur ultima: à meridie quicquid ultra decimum sextum gradum latitudinis Austrinæ: ab ortu quicquid ultra centesimum octogesimum gradu m: quæ omnia in generali tabula apud Ptolemæum facile est conspicere.

Porro ad occidentem terra est, quam Americanam vocant, longitudo octoginta fermè graduum. Due insulæ Spagnolla & Isabella: quæ quidem regiones secundum littora ab Hispanis lustratae sunt, Columbus Genuensi, & Americo Vesputio eius navigationis ducibus. Sunt qui putent tempore Cæsaris Augusti eam terram fuisse notam, atque Maronem libro sexto Aeneidos de ea hæc protulisse carmina,

Iacet extra sydera tellus,

Extra anni solisq; vias, ubi cœlifer Atlas.

Axem humero torquet, stellis ardentibus aptum.

Hoc de Aethiopia Maurorum Seruius intellexit. Landinus autem nullam Aethiopiam extra Zodiacum iacere contèdit. Itaque ipse exponit, extra, id est, pene extra. Porro Donatus solem pro die, annum pro nocte positus ait. Nos rem incertam iudicio lectoris relinquimus.

A septentrione Islandia insula est, Grienland, Pilappenland, Norvegia, Suedia, quæ uere Gothia. Hæc triplex est, orientalis, occidentalis, & meridionalis. Gotlandia insula, Scania insula, quæ hodie Selaniam uocant. At Plinius libro quarto capite decimo quarto. Scandiniam uocasse uidetur, aut saltem uicinam Daniam: ait enim ab incolis nominari alterum mundum, quippe quæ etiamnum incomperta est ma-

HEN. GLAREANI

gnitudinis.

Ad ortum maxima pars Asiae post centesimum octogesimum ongi=tudinis gradum à nostris Geographis adjicetur: In qua immensa regna, ingentia flumina, multaque alia dictu miranda. Adpingunt insulam Zypangri ad extremum orientem. Iauam maiorem et minorem, et quas=dam alias insulas, non certa tamen designatione.

Ad meridiem nostra etate Madagascar pingitur, in eo loco ubi Ptolemæus Menuthiam insulam libro quarto capite ultimo posuit: prete=re maxima portio Africæ ab Hispanis lustrata, itinere illo, quo Calecu=tum feruntur. Porro oceanum Indicum meridionalem à Prasso promon=torio Aphricæ ad Cattigaram usque Sinarum stationem, totum inclu=sum terra Ptolemæus existimat, quemadmodum mare Caspium, quod quidem omnes antiqui Geographi oceani septentrionalis partem puta=runt. Sed illud Indicum nunc repertum est, non terra inclusum, sed ab meridionali Oceano esse.

FINIS.

EPILOGVS.

Habetis hic candidi lectores, meas de habitabili terra lucubrations, quas utinam tam gratias uobis esse sentiam, quam sunt prompto ad pu=blicam studiosorum utilitatem animo composite. Quod si fortunatam hanc editionem uidero, dabo fidelem operam, ut aliquando et limatio=res et locupletiores in publicum emittantur: ac alia item nostra, quæ studiosis non inutilia fore existimamus. Valete.

P ARISIIS

EXCVDEBAT IO. LODOICVS TILETANVS.

I 5 4 2.

Quarta
Asia ta=la.



Fondo librario antico dei Gesuiti italiani
www.fondolibrarioantico.it



Cinquecentina

n. 181

24

Provincie
Trentina
della C.
Gallerate
di Pavia
Pavia
di Novara
di Vercelli
di Biella
di Alessandria
di Novara
di Vercelli
di Biella
di Alessandria

Fondo librario antico dei Gesuiti italiani
www.fondolibrarioantico.it

longi=
regna,
in Zy
quaf=

ibi Pto
rete=
Calecu
omon
inclu=
quod
puta=
ed ab

nes,
pu=
tam
tio
ua



Fondo librario antico dei Gesuiti italiani
www.fondolibrarioantico.it



Fondo librario antico dei Gesuiti italiani
www.fondolibrarioantico.it

27

orario antico dei Gesuiti
www.fondolibrarioantico.it